

國

語

正

義

國語正義卷第九

歸安董增齡撰集

晉語三

惠公入而背內外之賂〔解〕惠公驪公庶子重耳之弟惠公夷吾也外秦內里丕也與人誦之〔解〕與衆也不歌曰誦曰佞之見佞果喪其田〔解〕僞善爲佞佞謂里丕受惠公賂田而納之見佞謂惠公入而不予也果猶竟也喪亾也喪田里丕不得其賂田詐之見詐果喪其賂〔解〕詐謂秦以詐立惠公不置德而置服也見詐謂惠公入而背之喪賂秦不得其賂地得國而狂終逢其咎〔解〕謂惠

公也狃伏也咎謂敗於韓

疏

得國至其咎○爾雅釋言狃復也詩疏引孫炎注狃

伏前事復爲也故漢書顏注狃伏猶慣習也謂慣習前

事而復爲之尚書洪範子孫其逢吉逢訓大言惠公獲

咎必喪田不懲禍亂其興**解**謂丕鄭也不得田不懲艾

復欲與秦共納重耳惠公殺之既里丕死**解**既已也惠

公二年存殺里克秋殺丕鄭禍公隕於韓**解**禍謂貪恠

之禍也秦伐晉戰於韓獲惠公以歸隕其師徒在魯僖

十五年郭偃曰善哉夫衆口禍福之門也**解**偃晉大夫

善與人之誦豫知之故曰衆口禍福之門是以君子省

衆而動**解**動行也監戒而謀謀度而行**解**監察也度揆

也察衆口以爲戒謀事揆義乃行之故無不濟內謀外

度考省不倦解考校也日考而習戒備畢矣解日自考省習而行之戒備之道畢於是矣

惠公卽位出其世子而改葬之臭達於外解其世子申

生也獻公時中生葬不如禮故改葬之惠公烝於獻公

夫人買君故申生臭達於外不欲爲無禮者所葬也唐

以買君爲申生妃非也傳曰獻公娶於買無子疏世共

無子○漢書楊王孫傳其穿下不亂泉上不泄臭外戚

傳王莽開傳太后棺臭聞數里此發之而臭聞若此傳

所言則葬也者藏也藏之而臭反外達言申生之神所

爲也信十五年傳杜注賈君晉獻公次妃惠棟曰獻公

取于賈則是正妃爲惠公適母何須穆姬之屬故唐尙

書謂中生妃信十年傳夷吾無禮此爲近之案君小君

也申生未立其妃不得稱國人誦之曰貞之無報也孰

君故葬解指爲獻公夫人國人誦之曰貞之無報也孰

是人斯而有是臭也

解

賈唐云貞正也謂惠公欲以正

禮改葬世子而不獲吉報也孰誰也斯斯世子也誰使

是人有是臭者言惠公使之也或云貞謂申生與下相

違似非也貞爲不聽

解

以正葬之而不見聽也信爲不

誠

解信心行之不見誠也

國斯無刑媮居幸生

解

刑法

也言惠公媮竊居位微幸而生不更厥貞大命其傾

解

不變更其正大命將傾傾危也威分懷分

解

威畏也懷

思也言國人畏惠公思重耳也各聚爾有以待所歸兮

解

爾有所有也猗兮違分心之哀兮

解

猗歎也違去也

言民心欲去其上安土重遷故心哀之歲之二七其靡

有微兮

解

二七十四歲後也靡無也無有微者亦以謂

子園也

疏

其靡有微兮○論語微生畝漢書人表作尾

帑杜注鳥尾曰帑詩常棣樂爾妻帑帑訓子人若翟公

子吾是之依兮

解

謂重耳也鎮撫國家爲王妃兮

解

言

重耳當霸諸侯爲王妃偶

疏

爲王妃兮○爾雅釋詁妃

引某氏云天立厥妃毛詩妃作配妃配古郭偃曰善哉

通字昭九年傳妃以五成釋名配輩也

善之難也

解

難難爲也君改葬其君以爲榮也而惡滋

章夫人美於中必播於外而越於民民實戴之

解

美善

也播布也越揚也戴欣戴也言有善於中心必播於外

揚於民也惡亦如之故行不可不慎也必或知之

解

或

知下民必知其善否也十四年君之冢嗣其替乎解冢
嗣大子也替滅也其數告於民矣解數謂二七也公子
重耳其入乎其魄兆於民矣解魄形也兆見也若入必
伯諸侯以見天子其光耿於民矣解耿猶照也數言之
紀也解謂言者紀其數也魄意之術也解意民之志術
道也魄兆見而民志隨之光明之耀也紀言以敘之解
敘述也述意以導之解導開導也明耀以照之不至何
待欲先導者行乎解先導謂重耳導引者可行也將至
矣

惠公既殺里克而悔之曰芮也使寡人過殺我社稷之

鎮解芮翼芮也鎮重也郭偃聞之曰不謀而諫者翼芮

也解不先爲君謀而諫使君殺里克者翼芮也不圖而

殺者君也解言不與人謀而殺里克者君之過也不謀

而諫不忠不圖而殺不祥不忠受君之罰解言君當加

罰也不祥罹天之禍受君之罰死戮解戮辱也言死且

有辱罹天之禍無後解無後嗣也志道者勿忘將及矣

解志識也及至也勿忘此占言禍將至也及文公入解

文公重耳也秦人殺冀芮而施之解冀芮既納文公而

悔將殺之文公知之潛會秦伯于王城冀芮焚公宮求

公不得遂如河上秦伯誘而殺之陳尸曰施疏解陳尸

昭十四年施邢侯彼注訓効捕此訓陳尸者蓋邢侯聞
言而逃故須効捕此誘而殺之罪人已得故直陳其尸
且此旣言殺冀芮又言施之殺之後唯有肆諸市朝故
知陳尸也昭十四年傳孔疏引孔晁國語注施廢其族
也則晁讀施爲弛倍三十一傳自季使過冀見冀
缺耨是旣陳其尸又廢其子晁義與韋解得相通也

惠公卽位乃背秦賂使丕鄭聘於秦且謝之解謝不時

也而殺里克曰子殺二君與一大夫解二君奚齊卓子

一大夫苟息也爲子君者不亦難乎丕鄭如秦謝緩賂

解緩遲也乃謂穆公曰君厚問以召呂甥卻稱冀芮而

止之解問遣也以厚禮問遣此三人者晉大夫來因問

止也以師奉公子重耳臣之屬內作晉君必出解屬七

輿大夫也必出惠公必出奔也穆公使洽至報問解洽

至秦大夫也報問報丕鄭之聘且問遺呂甥之屬

疏穆公

至報問

○儀禮聘禮記小聘曰問曲禮鄭注問猶遣也蓋以問報丕鄭之聘

且召三大夫鄭

也與客將事

解客洽至也將事行聘事也冀芮曰鄭之

使薄而報厚

解薄禮幣少也其言我於秦也必使誘我

弗殺必作難

解不殺鄭必作難於我是故殺丕鄭及七

輿大夫

解七輿中生下軍之衆大夫也其華賈華叔堅

騅猷纍虎特宮山祁皆里丕之黨也不豹出奔秦

解豹

丕鄭之子丕鄭之自秦反也而聞里克死見其華曰可

以入乎其華曰二三子皆在而不及

解二三子七輿大

夫也不及謂罪不及也子使於秦可哉

解可以入也

丕鄭入君殺之其賜謂其華解其賜華之族晉大夫曰
子行乎其及也解行去也其及將見及也其華曰夫子
之入吾謀也將待及解言已誤丕鄭將待禍及也賜曰
孰知之其華曰不可知而背之不信謀而困人不知解
謀不中爲困困而不死無勇任大惡三行將安入解任
荷也子其行矣我姑待死解子其賜也丕鄭之子曰豹
出奔秦謂穆公曰晉君大失其衆背君賂殺里克而忌
處者衆固不說解忌惡也處者國中大夫也今又殺臣
之父及七輿大夫此其黨半國矣君若伐之其君必出
穆公曰失衆安能殺人解言晉君失衆焉能使衆殺爾

父及七與大夫且無禍唯無斃解斃死也罪不至死則
不爲亂足者不處解罪足以死則不處國處者不足解
處國者不足以死也勝敗若化解化言轉化無常也猶
丕鄭欲殺君君反殺之以禍爲違孰能出君解違去也
謂丕豹以禍故去其國誰能出君乎爾俟我解俟待也
待我國之

晉饑解穀不熟曰饑在魯僖十三年疏解穀不熟曰饑

不熟爲饑襄二十四年穀梁傳一穀不升謂之歉二穀

不升謂之饑三穀不升謂之饑四穀不升謂之饑五穀

不升謂之大饑墨子七患篇一穀不收謂之饑二穀不

收謂之旱三穀不收謂之凶四穀不收謂之饑五穀不

收謂之饑雖名各參乞糴於秦丕豹曰晉君無禮於君

差其實五者皆饑也

衆莫不知

解

無禮背賂也往年有難今又荐饑解難謂

殺里丕之黨仍饑曰荐已失人又失天其殃也多矣解

失人里克也失天荐饑也君其伐之勿予糴公曰寡人

其君是惡其民何罪天殃流行國家代有解代更也補

乏藳饑道也不可以廢道於天下解藳進也謂公孫枝

曰予之乎

解

枝子桑也

疏

解枝子桑○李斯上書秦始

孫枝子晉則

公孫枝曰君有施於晉君晉君無施於其

衆今旱而聽於君其天道也解聽聽命於君也君若弗

予而天子之解子之年也苟衆不說其君之不報也則

有辭矣

解

苟使晉衆不說惠公不報秦施今不予糴則

晉得以爲辭故不可不予不如予之以說其衆衆說必

咎其君其君不聽然後誅焉雖欲禦我誰與是故汎舟

於河歸糴於晉解汎浮也歸不返之辭也疏汎舟至於

五年傳杜注從渭水運入河汾孔穎達曰秦郡雍雍臨

渭晉郡絳絳臨汾渭水從雍而東至宏農華陰縣入河

從河逆流而北上至河東汾陰縣秦饑公令河上輸之

粟解河上所許秦五城也號射曰弗予賂地而予之糴

解號射晉大夫疏號射○晉世家集解引左傳服虔注

亦子無損於怨而厚於寇解厚猶彊也不若勿予公曰

然慶鄭曰不可解慶鄭晉大夫已賴其地而又愛其實

解賴羸也實穀也忘善而背德雖我必擊之解我當秦

處亦當擊晉弗予必擊我公曰非鄭之所知也遂不予

六年秦歲定解惠公六年魯僖十五年定安也穀熟則

民安帥師侵晉至於韓解韓晉地韓原也疏韓晉地

本紀正義引括地志韓原在同州韓城縣西南十八里

晉世家索隱云在馮翊夏陽北二十里今韓城縣是顧

炎武曰內傳及韓在涉河之後此韓在河東故曰寇深

矣史記正義引括地志謂在韓城非也案秦師涉河後

晉遣將距秦已三戰三敗深入國境而後惠公親帥師

以禦之史記言秦繆公惠公合戰韓原則秦先至韓而

後晉軍至其地必離絳不遠杜氏以地無可考故但云

也公謂慶鄭曰秦寇深矣奈何解深入境深也一曰深

猶重也慶鄭曰君深其怨能淺其寇乎非鄭之所知也

君其訊射也解訊問也射號射也公曰舅所病也解病

短也諸侯謂異姓大夫曰舅

疏

義諸侯至曰舅○禮祭

曰叔舅子女銘孔始姓是異姓大夫稱舅也

卜右慶鄭吉**解**右公戎車之右

公曰鄭也不孫**解**言不順不可以爲車右以家僕徒爲

右**解**家僕徒晉大夫步揚御戎**解**步揚晉大夫御戎御

公戎車也

疏

步揚御戎○僖十五年傳杜注步揚卻鞮

步揚步揚生州卽鄭孫焉梁由靡御韓簡**解**由靡晉大

夫韓簡晉卿韓萬之孫

疏

解韓簡至之孫○史記韓世

定伯簡號射爲右

解

爲簡車右以承公**解**承次也次公

車公禦秦師令韓簡視師曰師少於我闕士衆**解**欲闕

者衆公曰何故簡曰以君之出也處已**解**已秦也處已

在梁依秦入也煩已解爲秦所立饑食其糴三施而無
報故來今又擊之秦莫不愠解愠怒也晉莫不怠解受
其施而怠惰鬪士是故衆公曰然今我不擊歸必狂解
狂伏也不擊而歸秦必狂伏而輕我也一夫不可狂況
國乎公令韓簡挑戰解先挑敵求戰曰昔君之惠寡人
未之敢忘寡人有衆能合之弗能離也解弗能離言衆
欲戰也君若還寡人之願也君若不還寡人將無所避
穆公衡彫戈出見使者解衡橫也彫鏤也戈戟也曰昔
君之未入寡人之憂也君入而列未成寡人未敢忘解
列位也今君既定而列成君其整列寡人將身見解若

云朝見實欲戰也客還公孫枝進諫曰昔君之不納公
子重耳而納晉君是君之不置德而置服也置而不遂
擊而不勝解遂成也其若爲諸侯笑何君盍待之乎解
待其亂將自斃也穆公曰然昔吾之不納公子重耳而
納晉君是不置德而置服也然公子重耳實不肯吾又
奚言哉殺其內主解謂里克也背其外賂解外秦也彼
塞我施若無天乎云解云言也晉所行若言無有天也
若有天吾必勝之解天道助順故必勝也君輯大夫就
車疏君輯大夫就車○輯掛也舜典輯五瑞馬融注作
揖五瑞是輯掛古字通昭十三年傳王揖而入蓋
言舉而別有揖臣之禮君鼓而進之晉師潰戎馬泞而止解淳深

泥也止戎馬陷焉公號慶鄭曰載我解號呼也慶鄭曰

忘善而背德又廢吉卜解卜右慶鄭吉公廢不用何我

之載鄭之車不足以辱君避也解避難也梁由靡御

韓簡輅秦公將止之解輅迎也疏梁由至止之○呂氏

乘馬而車爲敗右服失而野人取之見野人方食之於

岐山之陽穆公歎曰食駿馬之肉而不還飲酒余恐其

傷女也於是徧飲而去處一年爲韓原之戰晉人已環

穆公之車矣晉梁山靡已扣穆公之左驂矣晉惠公之

右路石奮投而擊穆公之甲中之者已六札矣野人之

嘗食馬於岐山之陽者三百有餘人畢力爲穆公疾鬪

於車下遂大克晉反獲惠公以歸史記秦本紀晉君棄

其軍與秦爭利還而馬驚繆繆公與應下馳追之不能得

晉君反爲晉軍所圍晉擊繆繆公繆公傷於岐下食善

馬者三百人馳晉軍晉軍解圍遂脫繆公而反生得

晉慶鄭曰釋來救君解釋舍也亦不克救遂止於秦解

止獲也爲秦所獲

疏

遂止於秦○秦本紀繆公崩晉君

上帝周天子聞之曰晉我同姓爲請晉君夷吾姊亦爲

繆公夫人夫人聞之乃衰經跣曰妾兄弟不能相救以

辱君命繆公曰我得晉君以爲功今天子爲公子也其

憂乃與晉君盟許歸之隱十一年傳公之爲公子也其

鄭人戰于狐壤止穆公歸至於王城**解**王城秦地**疏**王

馬故知止是獲也穆公歸至於王城**解**王城秦地**疏**王

城秦地○信十五年傳杜注王城秦地馮翊臨晉縣東

有王城後漢郡國志史記秦厲共公伐大荔取王城卽

此城也正義引括地志同州東三十里朝邑縣東合大

三十步故王城案在今陝西西安府朝邑縣東合大

夫而謀曰殺晉君與逐出之與以歸與復之孰利公子

繫曰殺之利

解

以爲臣子絕望逐之恐構諸侯**解**構交

構也以歸則國家多慝**解**慝惡也恐知國家閒隙之惡

也復之則君臣合作恐爲君憂不若殺之公孫枝曰不

可恥大國之士於中原又殺其君以重之子思報父之
仇臣思報君之讐雖微秦國天下孰不患解微無也雖
無秦國天下諸侯有害人君父者孰不患疾也公子繫
曰吾豈將徒殺之解徒空也吾將以公子重耳代之晉
君之無道莫不聞公子重耳之仁莫不知戰勝大國武
也殺無道而立有道仁也勝無後害知也公孫枝曰恥
一國之士又曰余納有道以臨汝無乃不可乎解雖立
有道君父之恥未刷若不可必爲諸侯笑戰而笑諸侯
不可謂武殺其弟而立其兄兄德我而忘其親不可謂
仁若勿忘是再施而不遂也不可謂知君曰然則若何

公孫枝曰不若以歸以要晉國之成解要結也成平也
復其君而質其適子使子代父處秦解代更也國可以
無害是故歸惠公而質子圉解子圉惠公適子懷公也
秦始知河東之政解秦取河東之地而置官司故知河
東之政在魯僖十五年

公在秦三月解內傳惠公以九月獲十一月歸聞秦將
成乃使卻乞告呂甥解卻乞晉大夫呂甥瑕呂飴甥呂
甥欽之言令國人於朝曰君使乞告二三子曰秦將歸
寡人寡人不足以辱社稷二三子其改置以代圉也解
欲令更命立宅公子以代子圉言父子避位以感動羣

下且賞以說衆衆皆哭焉作輓田解買侍中云輓易也

爲易田之法賞衆以田易疆界也或云輓車也以田出

車賦昭謂此欲賞以說衆而言以田出車賦非也唐云

讓肥取磽也疏作輓田○輓內傳作爰說文解字作延

輓字輓爰並通借字而題爲正字輓易也者內傳正義

引服虔左傳注孔晁謂以公家之田爲正字輓易也者

其疆畔孔晁注分公田之稅應入公者爰之于一所賞之衆

然晉白滅耿霍韓魏虞虢後駸駸乎有一圻之勢公田

之民田九分之一圻率九萬夫而以公田之稅分給

也則僅爲居者其一圻之積耳而安得云作或云輓車

爲心唐云讓肥取磽公家所取磽田歲產無禾之慮何以

說也漢書地理志秦孝公川商君制輓田張晏曰周制

世寢願商鞅復立爰田上田不易中田一易下田再易
漢書刑法志三歲更耕之自爰其處顏師古曰更互也
是周禮本有爰田之制而晉假其名以爲賞衆之權謀
更助以公家之閒田所以言作王應麟敘漢制考云晉
作爰田而田制變名田悅衆惠士奇曰管子曰良田不
在戰士三年而兵弱然則轅田之法以上田賞戰士而
中下授民晉之良田盡歸戰士矣呂甥致衆而告之曰吾君愬焉其凶

之不恤解凶謂在外恤憂也而羣臣是憂不亦惠乎解

憂謂改立君賞羣臣作轅田也君猶在外若何衆曰何

爲而可解何所施爲可以還君呂甥曰以韓之病兵甲

盡矣解病敗也若征繕以輔孺子以爲君援解征賦也

言當賦稅以繕甲兵輔子圉以爲君援疏解征賦至君

者王制關市譏而不征夫圭田無征倍十五年傳杜注
繕治也說文補也詩叔于田序繕甲治兵鄭箋繕之言

善也周禮繕人注繕之言勁也善也

雖四鄰之聞之也喪君有君羣臣輯

睦甲兵益多好我者勸惡我者懼庶有益乎衆皆說焉

作州兵

解

二千五百家爲州使州長各帥其屬繕甲兵

也

疏

作州兵。傳十五年傳孔疏周禮鄉大夫以歲時登其夫家之衆寡辨其可任者州長則否今以州

長管人既少督察易精故使州長治之也

呂甥逆君於秦穆公訊之

解

訊問

也曰晉國和平對曰不和公曰何故對曰其小人不念

其君之罪而悼其父兄弟之死喪者

解

謂韓之戰敗

也不憚征繕以立孺子曰必報吾讐甯事齊楚齊楚又

交輔之

解

交夾也其君子思其君且知其罪曰必事秦

有死無它故不和比其和之而來故久公曰而無來吾

固將歸君國謂君何對曰小人曰不免君子則不公曰
何故對曰小人忌而不思解忌怨也不思不思大義願
從其君而與報秦解君謂子圉也是故云解故言不免
其君子則不曰吾君之入也君之惠也能納之則能執
之能執之則能釋之德莫厚焉惠莫大焉納而不遂廢
而不起以德爲怨君其不然秦君曰然乃改館晉君解
改更也初秦伯拘晉侯於靈臺將復之故更舍之於客
館饋七牢焉解牛羊豕爲一半饗饋七牢侯伯之禮也
公未至蛾析謂慶鄭解蛾析晉大夫曰君之止子之罪
也解止獲也今君將來子何侯慶鄭曰鄭也聞之曰軍

敗死之將止之二者不行又重之以誤人而喪其君解

誤人誤梁由靡令君見獲也有大罪三將安適解適之

也君若來將待刑以快君志君若不來將獨伐秦解獨

帥其屬不得君必死之此所以待也解所以不去待爲

此也臣得其志解志謂出奔也而使君嘗是犯也解嘗

慙也犯犯逆也君行犯猶失其國而況臣乎公至於絳

郊聞慶鄭止使家僕徒召之曰鄭也有罪猶在乎慶鄭

曰臣怨君始入而報德不降解不自降下而背秦也降

而聽諫不戰解慶鄭諫公使與秦羅若公降心聽之可

以不戰戰而用良不敗解良善也卜右慶鄭吉不用又

乘鄭小駟不用良馬故敗旣敗而誅又失有罪解若鄭
出亡是失有罪不可以封國解不可以守封國也臣是
以待卽刑以成君政君曰刑之慶鄭曰下有直言臣之
行也解行道也上有直刑君之明也解言刑殺得正此
人君之明也臣行君明國之利也君雖弗刑必自殺也
蛾析諫曰臣聞之奔刑之臣解奔趨也不若赦之以報
讎解讎秦也君盍赦之以報於秦梁由靡曰不可我能
行之秦豈不能解能行之謂能赦罪以報讎也秦豈獨
不能乎且戰不勝而報之以賊不武出戰不克入處不
安不知解出戰不克謂韓時也入處不安謂今也欲復

伐秦故不得安也。成而反之不信。解成平也。與秦始平而又反之不信。失刑亂政不威。解有罪不殺爲失刑。失刑則亂政。亂政則威不行也。出不能用。入不能治。敗國且殺孺子。解孺子子圉也。秦復惠公而質子圉。若伐秦秦必殺之。不若刑之。君曰斬鄭無使自殺。家僕徒曰有君不忌有臣死刑。解忌怨也。其聞賢於刑之。梁由靡曰夫君政刑所以治民。不聞命而擅進退犯政也。解言慶鄭擅進退快意喪君犯刑也。鄭也。賊而亂國不可失也。且戰而自退退而自殺。臣得其志。君失其刑。後不可用也。解不可復用戰也。君命司馬說刑之。解司馬軍司馬

說其名也

疏

君命至刑之。○周官禮夏官之屬有軍司馬四人成二年左傳晉師救魯衛韓厥爲

司馬及衛地將斬人

則司馬主軍中刑也司馬說進三軍之士而數慶鄭曰

夫韓之誓曰失次犯令死**解**次行列也令軍令也將止

不面夷死

解

將帥也止獲也夷傷也僞言誤衆死失次

犯令而罪一也鄭擅進退而罪二也女謨梁由靡使失

秦公而罪三也君親止女不面夷而罪四也鄭也就刑

慶鄭曰說三軍之士皆在

解

皆在此也有人能坐待刑

而不能面夷

解

言我能坐待死而不能面夷乎怨君不

用忠言忘善背德也趣行事乎

解

趣司馬行其刑也丁

丑斬慶鄭乃八絳十五年惠公卒懷公立**解**懷公子圉

也魯僖二十二年自秦逃歸秦乃召重耳於楚而納之
晉人殺懷公於高梁解高梁晉地疏解高梁晉地○後
郡揚有高梁亭注引地道記曰有梁城去縣五十里僖
九年傳杜注在平陽縣西南案今山西平陽府臨汾縣
東三十七里高梁都地名梁墟是也而授重耳實爲文公

國語正義卷第九終

國語正義卷第十

歸安董增齡撰集

晉語四

文公在翟十二年〔解〕文公晉獻公庶子重耳也避驪姬

之難魯僖五年歲在大火自蒲奔翟至十六年歲在壽

星故在翟十二年

〔疏〕文公至二年○淮南說山訓高注介子推從晉文公重耳出奔翟遭

難絕糧介子推割肌〔解〕狐偃曰日吾來此也〔解〕狐偃文公

舅子犯也日往日也非以翟爲榮可以成事也〔解〕榮樂

也成事成反國之事吾曰奔而易達〔解〕達至也困而有

資〔解〕資財也休以擇利可以戾也〔解〕休息也戾定也今

戾久矣戾久將底

解

底止也底箸帶淫解箸時也滯廢

也淫久也誰能興之

解

興起也盡速行乎吾不適齊楚

避其遠也蓄力一紀可以遠矣

解

蓄養也十二年歲星

一周爲一紀齊侯長矣而欲親晉

解

齊侯桓公也長老

也是歲桓公爲淮之會明年而卒管仲沒矣多讒在側

解

沒終也讒謂易牙豎刁之屬謀而無正衷而思始

解

無正無正從也衷中也中道思其初時也夫必追述前

言求善以終

解

前言管仲忠善之言厭邇逐遠遠人入

服不爲郵矣

解

邇近也逐求也郵過也會其季年可也

解季末也勸使文公適齊會桓公季末之年可也茲可

以親解茲此也皆以爲然乃行過五鹿乞食於野人解

五鹿衛邑不見禮故乞食野人舉塊以與之解塊璞也

疏解塊璞也。說文由璞也。或作塊。淮南子。公子怒將鞭

之子犯曰天賜也民以土服又何求焉解言民奉土以

服公子天事必象解必先有象十有二年必獲此土解

後十二年必得五鹿二三子志之解志識也歲在壽星

及鶉尾其有此土乎解歲歲星也自軫十二度至氐四

度爲壽星之次自張十七度至軫十一度爲鶉尾之次

歲在壽星謂得塊之歲魯僖十六年也後十一年歲在

鶉尾必有此五鹿地也魯僖二十七年歲在鶉尾二十

八年歲復在壽星晉文公伐衛正月六日戊申取五鹿

周正月夏十一月也正天時以夏紀故歲在鶉尾疏歲

壽星及鶉尾○爾雅釋天壽星角亢也天根氏也邵晉

涵曰角兩星相對觸故天官書云左角理右角將氏四

星側向以承柢故天官書氏爲天根星是氏亦壽星之

次也漢書律歷志鶉尾初張十八度立秋中翼十五度

處暑終於軫十一度蓋南陸三天以命矣解命告也謂

次鶉首鶉火鶉尾尾最居西也

野人奉塊復於壽星必獲諸侯解歲復在壽星謂魯僖

二十八年也是歲四月文公敗楚師於城濮合諸侯於

踐土五月獻俘於王王策命之以爲侯伯故得諸侯天

之道也解天之大數不過十二由是始之解由從也從

得塊始有此其以戊申乎解有此五鹿當以戊申日也

所以申土也

解日以戊申戊土也申申廣土地也

疏

以至土地○白虎通義戊茂也釋名戊茂也物皆茂盛也說文申神也七月陰氣成體自申東釋名申身也物

皆成其身體使備盛也戊與申皆增益之義故知申廣土地也

再拜稽首受而載之

解

拜天賜受塊而載之遂適齊齊侯妻之甚善焉

解

桓公以女妻之遇之甚善有馬二十乘

解

四馬爲乘八十匹也將死於齊而已矣曰民生安樂誰知其它桓公卒

解

在齊一年而桓公卒孝公卽位

解

孝公桓公子昭也卽位在魯僖十八年諸侯昨齊子犯知齊之不可以動

解

動謂求反國也而知文公之安齊而有終焉之志也欲行而患之

解

患文公不肯去也與從者謀於桑下

解

從

者趙衰之屬蠶妾在焉解在桑上也莫知其存在也妾告

姜氏姜氏殺之解殺之以滅口也時諸侯畔齊壻又欲

去恐孝公怒而言於公子曰從者將以子行其聞之者

吾已除之矣子必從之不可以貳解貳疑也貳無成命

解疑則不成天命詩云上帝臨女無貳爾心解詩大雅

大明之七章也上帝天也女謂武王也言天臨護女伐

紂必克無有疑心先王其知之矣貳將可乎解言武王

知天命不可以疑故卒有天下子去晉難而極於此解

極至也自子之行晉無宵歲民無成君解成定也謂奚

齊卓子殺死惠公無親內外惡之天未喪晉無異公子

解同生九人唯重耳在有晉國者非子而誰子其勉之
上帝臨子矣貳必有咎解天子不取故必有咎公子曰
吾不動矣必死於此姜曰不然周詩曰莘莘征夫每懷
靡及解詩小雅皇皇者華之首章也莘莘衆多也征行
也懷私爲每懷言臣奉命當念在公每輒懷私將無所
及夙夜征行不遑啟處猶懼無及解夙蚤也行道也遑
暇也啟跪也處居也況其順身縱欲懷安將何及矣人
不求及其能及乎解求及求及時也日月不處人誰獲
安西方之書有之曰懷與安實疚大事解西方謂周也
詩云誰將西歸又曰西方之人皆謂周也安自安也疚

病也鄭詩云仲可懷也人之多言亦可畏也解詩鄭風

將仲之卒章也仲祭仲也懷思也言雖欲從心思仲猶

能畏人自止見可懷思可畏也疏解詩鄭至可畏○詩

害其弟叔段失道而公弗制祭仲諫而不聽小不忍以

致大亂焉宏綱不用序說者公羊桓十一年傳祭仲者

何鄭相也公羊言出忽而立突祭仲實主其事是時突

方強能得衆心而忽微弱不能自立故鄭人皆懷仲而

戴突而其間老成守正者尙持忽當嗣位之議所謂人

之多言也踰圜折檀喻嫡庶之妨不可懷言雖順仲所

爲而清議難掩當畏此而昔管敬仲有言小妾聞之解

遇止其戴突之私慾也敬仲夷吾字也曰畏威如疾民之上也解畏威如畏疾

病此民之上行從懷如流民之下也解從心所思如水

流行此民之下行見懷思威民之中也解威畏也見可

懷則思可畏此民之中行畏威如疾乃能威民

解言能

畏上乃能威下威在民上弗畏有刑

解

能威民故在人

上不畏威則有刑罪從懷如流去威遠矣故謂之下

解

去威遠言不能威民也其在辟也吾從中也

解

辟罪也

弗畏有刑故云罪高不在上下欲避罪故從中也鄭詩

之言吾其從之

解

從其畏人之多言也此大夫管仲之

所以紀綱齊國裨輔先君而成霸者也子而棄之不亦

難乎

解

裨補也齊國之政敗矣晉之無道久矣從者之

謀忠矣時日及矣公子幾矣

解

幾近也言重耳得國年

時日月近也君國可以濟百姓而釋之者非人也

解濟

成也釋置也敗不可處解敗謂齊也時不可失忠不可

棄懷不可從子必速行吾聞晉之始封也解始封謂唐

叔虞歲在大火閼伯之星也實紀商人解商殷也自氏

五度至尾九度爲大火之次閼伯陶唐氏之火正居於

商正祀大火死以配食相土因之故商主大火實紀商

之吉凶也疏辰解商殷至吉凶○爾雅釋天大火謂之大

畧例云於辰在卯爲大火東方爲木心星在卯火出木

星故曰大火月令章句云自亢八度至尾四度謂之大

火之次興韋解不同者歲差有盈縮各據當時日驗言

之昭元年傳言高辛氏有二子伯閼伯后帝遷閼伯

於商正主辰商人是因故辰爲商星杜注商正宋地主

祀辰星辰大火也商人先湯相土封商正閼伯故國

百功祀火星之以配食者春秋襄九年疏火正之官居職

云帝舜封契於商鄭康成云商國在太華之陽皇甫謐云今上洛商縣如鄭意契居上洛之商至相土而遷于宋之商及湯有天下違取契所封之國以爲大號釋例曰宋之先佐唐虞封於商武王封微子啟爲宋公都商正是同鄭說釋例又云宋商商正一地梁國睢縣也據杜孔所言則闕伯始居商正相土因之微子又因之湯爲相土之裔孫故言實紀商人漢書律厯志三統上元至伐桀之歲十四萬一千八百歲歲在大火房星五度故傳曰大火闕伯之星也實紀商人是歲在大火之年商有天下蓋商之有天下旣兆始于商正又得大火之助故以此次紀商之饗國三十一王解自湯至紂疏人一代之吉凶也

祖甲立崩子廩辛立崩弟庚丁立崩子帝武乙立武乙
震死子帝太丁立崩子帝乙立崩子辛立天下謂之紂
廩辛漢書人表作馮辛遷固並言自湯至紂三十王
而此傳云三十一王者并湯之太子太丁數之也 警

史之記曰唐叔之世將如商數解警史知天道者疏警

之記也。周語單子曰吾非警史焉知天道故知舊史知
天道也。周本紀周太史伯陽讀史記張守節曰諸國皆

有史以記事今未半也解自唐叔至惠公十四世故曰

未半疏解自唐叔至未半。晉世家唐叔虞子燮是為晉

侯成侯子福是為厲侯子宜曰是為靖侯靖侯卒

子釐侯司徒立釐侯卒子獻侯籍立獻侯卒子穆侯費

王立七年伐條生太子仇十年伐千畝有功生少子名

曰成師穆侯卒弟昭侯伯立昭侯封文侯弟成師於

是為文侯文侯卒子鰈代恒叔是為曲沃武公盡并晉地而有之

曲沃為桓叔桓叔卒子鰈代恒叔是為曲沃武公盡并晉地而有之

伯卒子稱代莊伯立是為曲沃武公盡并晉地而有之

凡三十九年而卒子獻公諛諸立獻公卒里克弑之

卓子秦穆公發兵送夷吾于晉齡案穆侯弟爲殤叔穆
侯子爲昭侯昭侯子爲孝侯孝侯子爲鄂侯鄂侯子爲
哀侯哀侯子爲小子侯哀侯弟爲晉侯晉侯緡韋解言十四
世者以成侯上繼穆侯而不數殤叔文侯昭侯孝侯鄂
侯哀侯小子侯晉侯緡等八君也亂不長世解不長世亂當有平時也

公子唯子子必有晉若何懷安公子弗聽姜與子犯謀
醉而載之以行醒以戈逐子犯曰若無所濟吾食舅氏
之肉其知厭乎舅犯走且對曰若無所濟余未知死所
誰能與豺狼爭食解戰死原野公子將走不暇豈能復
與豺狼爭食我乎若克有成公子無亦晉之柔嘉是以

甘食

解

無亦不亦也柔脆也嘉美也

疏

解柔脆嘉美○內則實諸醢以

柔之注此軒脾雞宛脾皆菹類也醢菜而柔之以醢殺
腥肉及其氣正義物置醢中悉皆濡熟故曰柔之以詩大

雅嘉餽腍正義燔炙是正偃之肉腥臊疏偃之肉腥疏○內則
饋以腍肉爲加助故謂之嘉嘉○內則
豕望視而交健腥鄭注肉有如朱者似星孔疏謂星見
食豕令肉中生小息肉則腥乃豕肉之不可食者鄭康
成謂犬膏臊晏子春秋食魚無反惡其鱗也說將焉用
文引周禮膳膏臊則許叔重以膏鱗爲魚膏矣將焉用
之遂行過衛衛文公有邢翟之虞不能禮焉解衛文公
宣公之孫昭伯頑之子燬也虞備也是歲魯僖十八年
冬邢人翟人伐衛圍蒧圃文公師於訾婁以退之故不
能禮焉疏家並謂昭伯子燬○衛文公閔二年傳及衛世
牟曰昭伯漢書人表文中下衛戴公黔牟甯莊子言於公
子衛文公戴公弟是文公非昭伯子矣甯莊子言於公
解莊子衛正卿穆仲靜之子甯速也曰夫禮國之紀也
親民之結也解君親其親所以結民心使相親也善德

之建也

解建立也言能善善所以立德也國無紀不可

以終民無結不可以固德無建不可以立此三者君之

所慎也今君棄之無乃不可乎晉公子善人也而衛親

也君不禮焉棄三德矣

解晉祖唐叔武王之子衛祖康

叔文王之子故曰親三德謂禮賓親親善善也臣故云

君其圖之康叔文之昭也唐叔武之穆也

解自祖以下

一昭一穆故康叔爲文昭唐叔爲武穆周之大功在武

解謂始伐紂定天下也天胙將在武族

解族嗣也苟姬

未絕周室而俾守天聚者必武族也

解聚財衆也武族

唯晉實昌晉盾公子實德晉仍無道

解仍重也天胙有

德晉之守祀必公子也若復而修德鎮撫其民必獲諸

侯以討無禮君弗蚤圖衛而在討小人是懼敢不盡心

公弗聽自衛過曹疏自衛過曹○水經河水注曹在衛

國武王弟叔振鐸所封禹疏東漢書地理志濟陰郡定陶故曹

貢陶正疏在西南陶正亭曹共公亦不禮焉解共公曹

昭公之子曹伯襄也聞其骭脅欲觀其狀解骭并幹也

疏解骭并幹也○廣雅脅幹謂之肋春秋僖二十八年

是腋疏引孔晁注聞公子脅幹是一骨故欲觀之疏又言脅

相比迫若一骨然程大昌曰駢者脅骨之生兩兩相並

也案程止其舍謀其將浴設微薄而觀之解謀候也微

蔽也薄迫也疏止其至觀之○左傳釋文薄如字迫也

也孔穎達曰薄爲迫近之義史記周勃世家以絨曲薄爲生

是也此必賈鄭諸君舊話韓非子十過篇晉公子出必過曹曹君袒裼而觀之與內外傳合爾雅釋器郭注凡以薄爲魚符者名鬻故呂氏春秋上德篇淮南人間訓並有使袒而捕魚之說過爲媒饋於事不經殆非雅聞春秋僖二十八年疏引孔晁注僖負羈之妻言於負羈謀候也微蔽也是孔卽用韋義

解負羈曹大夫曰吾觀晉公子賢人也其從者皆國相也以相一人必得晉國得晉國而討無禮曹其首誅也

子盍蚤自貳焉**解**貳猶別也僖負羈餽飧寘壁焉**解**熟

食曰飧寘置也置壁於飧下**疏**僖負至寘壁○說文飧

僖二十八年傳杜注臣無竟外之交故用盤藏壁飧中

不欲令人見韓非子十過篇公子重耳過曹曹君袒裼而觀之釐負羈與叔瞻侍於前釐負羈歸而不樂其妻

問之曰吾聞之有福不及禍來連我今日君召晉公子其遇之無禮我與在前吾是以不樂其妻曰子奚不先

自貳焉負羈曰諾盛黃金於壺充之以餐加璧其上夜

令人遣公子公子見使者再拜受其餐而辭其璧內公外傳但述其妻之言而不述侍曹君之事故備載之

子受煊反璧負羈言於曹伯曰夫晉公子在此君之匹也君不亦禮焉曹伯曰諸侯之公公子其多矣誰不過此公者皆無禮者也余焉能盡禮焉對曰臣聞之愛親明賢政之幹也解幹榦榦也禮賓矜窮禮之宗也解宗本也禮以紀政國之常也解紀理也失常不立君所知也解失常則政不立國君無親國以爲親解僚以官相親君以國相親先君叔振出自文王解文王子也晉祖唐叔出自武王解武王子也文王之功實建諸姬故二王之嗣世不廢親今君棄之是不愛親也晉公子生十

七年而亡解亡奔也卿材三人從之可謂賢矣解三人

狐偃趙衰賈宅也

疏

卿材三人○呂氏春秋介立篇晉

賦詩曰有龍于飛周徧天下五蛇從之爲之丞輔高注

龍君也以喻文公五蛇以喻狐偃趙衰賈宅魏犢介之

推也此傳言三人皆卿材不數推犢而君蔑之是不明

賢也晉公子之亡不可不憐也比之賓客不可不禮也

失此二者是不禮賓不憐窮也守天之聚將施於宜宜

而不施聚必有闕解宜義也闕缺也玉帛酒食猶糞土

也愛糞土以毀三常解三常政之幹禮之宗國之常也

失位而闕聚是之不難無乃不可乎君其圖之公弗聽

公子過宋解自曹適宋與司馬公孫固相善解固宋莊

公之孫大司馬固也相善相說好疏與司至相善○晉

於咎犯曰宋小國新困不足以入更之大國乃去案傳

二十七年傳宋人使固如晉告急亦因其與重耳咎犯

相善公孫固言於襄公曰晉公子公長幼矣解襄公宋

桓公之子茲父也長幼從幼至長也而好善不厭父事

狐偃師事趙衰而長事賈它解長兄事之也狐偃其舅

也而惠以有謀趙衰其先君之戎御趙夙之弟也而文

以忠貞解趙衰晉卿公明之少子成子衰也先君獻公

戎御御戎車也傳曰趙夙御戎疏趙衰至忠貞○史記

孟生趙衰索隱引世本公明生公孟及趙夙夙生成季

衰左傳云衰趙夙弟而此云公孟生衰趙周亦以此為

誤依史記則衰為夙孫依世本則衰為夙子案閔二年

夙見于傳僖五年衰從重耳出奔僅隔六年夙能御戎

必非老耄衰能從亡必非幼穉固非祀孫亦非父子
氏易林曰伯風奏績衰績厥緒明是兄弟相及之辭且
夙字伯而衰字成季其長幼之次序顯然備二十八
年傳咎犯曰吾不如衰之文也故云文以忠貞也

它公族也而多識以恭敬解賈它狐偃之子狐射姑大

師賈季也公族姬姓也食邑於賈字季也此三人者實

左右之公子居則下之動則咨焉成幼而不倦解成功

自幼至成人也殆有禮矣樹於有禮必有艾解樹種也

艾報也商頌曰湯降不遲聖敬日躋解長發之三章也

降下也躋升也言湯之尊賢下士甚疾故其聖敬之道

日升聞於天降有禮之謂也解降已於有禮也君其圖

之襲公從之贈以馬二十乘公子過鄭鄭文公亦不禮

焉解文公鄭厲公之子撻叔詹諫曰臣聞之解叔詹鄭

大夫親有天解有天天所啟也用前訓解前訓先君之

教禮兄弟資窮困解資稟也天所福也今晉公子有三

胙焉天將啟之解啟闢也同姓不婚惡不殖也解殖蕃

也狐氏出自唐叔解狐氏重耳外家也出自唐叔與晉

同祖唐叔之後別在犬戎者狐姬伯行之子也實生重

耳解伯行狐突字成而雋才離違而得所解言成人而

有雋才也違去也離禍去國舉動得所久約而無讐一

也解夔瑕也同出九人唯重耳在解同出同父也離外

之患而晉國不靖二也解靖治也晉侯曰載其怨外內

棄之解載成也重耳日載其德狐趙謀之三也在周頌

曰天作高山大王荒之解天作之首章也作生也高山

岐山也荒大也言天生此高山使興雲雨大王則秩祀

而尊大之荒大之也大天所作可謂親有天矣晉鄭兄

弟也吾先君武公與晉文侯勦力一心股肱周室夾輔

平王解武公鄭桓公之子滑突也文侯晉穆侯之子仇

也勦并也一同也平王勞而德之而賜之盟質曰世相

起也解質信也起扶持也若親有天獲三胙者可謂大

天解三胙謂成而雋才晉國不靖狐趙謀之也若用前

訓文侯之功武公之業可謂前訓解業事也前訓二國

同心之訓若禮兄弟晉鄭之親王之遺命可謂兄弟解

晉鄭同姓王之遺命又使相起故曰可謂兄弟若資窮

困亾在長幼還軫諸侯可謂窮困解軫車後橫木也還

軫猶回車周歷諸國遭離阨困棄此四者以徼天禍無

乃不可乎解徼要也四者有天前訓兄弟窮困君其圖

之弗聽叔詹曰若其不禮焉則請殺之諺曰疏文選司

馬遷報任少卿書張銑注諺黍稷無成不能爲榮解稷

言也古今相傳之言曰諺黍稷無成不能爲榮解稷

黍也無成謂死也榮秀也疏黍稷至爲榮爾雅釋草

注黍秀舒散屬火素問金匱眞言論南方赤色其穀黍

王詠注黍赤色又云中央黃色其穀稷王詠注色黃而

味甘也據此則稷者北方謂之小米黍者北方所謂高

粱也爾雅釋艸又云不榮而實謂之秀詩大雅生民云

實發實秀孔疏云此亦對文爾其實黍稷皆先榮後實
小雅出車云黍稷方華是嘉穀之秀必有榮故以秀釋
榮也黍不爲黍不能蕃廡解爲成也蕃滋也廡豐也稷不

爲稷不能蕃殖解殖長也所生不疑唯德之基解所生

謂種黍得黍種稷得稷唯在所樹言禍福亦猶是也若

不禮重耳則當除之不爾則宜厚之如此不疑是爲德

基也公弗聽遂如楚楚成王以周禮享之九獻庭實旅

百解成王楚武王之孫文王之子熊頹也九獻上公之

享禮也庭實庭中之陳也百舉成數也周禮上公出入

五積饗餼九牢米百有二十筭醯醢百有二十饔禾二

十車芻薪倍禾疏楚成至旅百○周禮大行人云上公
九獻侯伯七獻子男五獻儀禮主人

酌以獻賓賓酢主人主人又酌以酬賓乃成一獻之禮
九爲獻酬而禮始畢也儀禮親禮四享皆束帛加璧庭
實唯國所有鄭注四當爲三初享或用馬或用虎豹之
皮其次享三牲魚腊黿豆之實龜也金也丹漆絲續竹
箭也其餘無常貨非一國所能有唯國所有分爲三享
皆以璧帛致之是爲庭實旅百是也唯國所有分爲三享
實旅百奉之以玉帛是也今宏嗣所引五積公子欲辭
九牢之等乃掌客致饗餼之禮非享禮也

解不敢當也子犯曰天命也君其饗之**解**天命天使之

也饗食也亾人而國薦之**解**薦進也以國君之禮薦進

之非敵而君設之**解**非體敵而設之如人君也非天誰

啓之心旣饗楚子問於公子曰子若克復晉國何以報

我公子再拜稽首對曰子女玉帛則君有之**解**有之楚

自有也子女美女也羽旄齒革則君地生焉**解**羽鳥羽

也翡翠孔雀之屬旄旄牛尾也齒象牙也革犀兕皮也

皆生於楚

疏

解羽鳥至於楚○爾雅釋鳥翠鵠郭注似

亦如雀雄赤

燕紺色生鬱林張揖上林賦注翡翠大小

趙佗獻文帝

孔雀二雙則孔雀亦生楚地釋獸云獵牛

郭注旄牛也

麟膝尾有長毛後漢書西南夷傳云旄牛

無角一名童牛

肉重千斤毛可爲毼說文象長鼻牙南

越大獸三年一

孔山海經郭注象大者牙長一丈定四

年傳楚人執縫

象以奔吳師則楚地固有象矣釋獸云

犀似豕春秋疏

引交州記犀出九德毛如豕蹄有三甲

頭如馬有三角

鼻上角短額上頭上角長又引吳錄地

理志云武陵沅

縣以角似牛說文犀角爾雅九府以犀象

爲南方之美釋

獸云兕似牛說文云兕如野牛青毛其

皮堅厚可制鎧

考工記函人兕其波及晉國者君之餘

甲壽二百年蓋

取其皮之堅矣其波及晉國者君之餘

也又何以報

解

波流也王曰雖然不穀願聞之**解**曲禮

曰四夷之大國於境內自稱不穀對曰若以君之靈**解**

靈神也得復晉國晉楚治兵會於中原其避君三舍解

治兵謂征伐也古者師行三十里而舍三舍爲九十里

司馬法曰進退不過三舍禮也若不獲命解不獲楚還

師之命其左執鞭弭右屬櫜韃以與君周旋解鞭所以

擊馬傳曰雖鞭之長不及馬腹爾雅曰弓無緣者謂之

弭櫜矢房韃弓弣也言以禮避君君不還乃敢左執弓

右屬手於房以取矢與君周旋相馳逐也疏左執至周

十三年傳孔疏引孔晁注云馬鞭及弓分在兩手欲避

左右帶紼鞭之文故云左執孔疏又引爾雅李巡注骨

飾兩頭曰弓不以骨飾兩頭曰弭孫炎注緣謂繳束而

漆之弭謂不以繳束骨飾兩頭者二說雖反俱以弭爲

弓末也

詩云載櫜弓矢則弓矢所藏俱名櫜昭元年傳

伍舉請垂櫜而入注云示無弓則櫜亦受弓之物方言

云弓藏謂之鍵此繫鍵二物必一弓一矢以鍵
是受弓故云繫以受箭因對文而分言之耳 令尹子

玉曰請殺晉公子解子玉楚若敖之曾孫令尹成得臣

也弗殺而反晉國必懼楚師王曰不可楚師之懼我不

修也解我德不修也我之不德殺之何爲天之胙楚誰

能懼之楚不可胙冀州之土其無令君乎解晉在冀州

且晉公子敏而有文解敏達也文有文章也約而不諂

解在約困之中而辭不諂屈三材傳之天胙之矣解謂

狐趙賈三人也天之所興誰能禦之子玉曰然則請止

狐偃解止謂留爲質也王曰不可曹詩曰彼己之子不

遂其媾郵之也解曹風候人之三章也媾厚於其寵也

郵過也夫郵而效之郵又甚焉效郵非義也於是懷公

自秦逃歸

解

懷公子圉也爲質於秦魯僖二十二年逃

歸秦伯召公子於楚

解

秦伯穆公也楚子厚幣以送公

子於秦秦伯歸女五人懷嬴與焉

解

歸嫁也懷嬴故子

圉妻子圉逃歸立爲懷公故曰懷嬴與焉與爲媵也公

子使奉匜沃盥旣而揮之

解

婚禮嫡入於室媵御奉匜

盥揮灑也

疏

公子至揮之。僖二十三年傳孔疏說文

從曰水臨皿然則匜者盛水器也盥謂洗手也沃謂澆

手也懷嬴奉匜爲公子澆手令公子洗手旣而以溼手

揮之使水滿汚其衣。解婚禮至匜盥。媵入於室媵

御奉匜盥約儀禮文言之昏禮婿乘其車先俟于門外

主人揖婦以入及寢門揖入升自西階媵布席于奧夫

入于室卽席婦尊西南面媵御沃盥交鄭注媵沃壻盥

于南洗御沃婦盥于北洗夫婦始接情有廉恥膝御交
道其志則懷嬴沃盥自本在膝之列趙宣子曰辰嬴賤
班是在九嬴怒曰秦晉匹也何以卑我解匹敵也卑賤也
人是也

公子懼降服囚命解懼嬴之怒降服徹上服囚命自囚

以聽命也疏公子至囚命○倍二十三年傳杜注去上

虔注申意於楚子伸于知已降秦伯見公子曰寡人之
服于懷嬴屈于不知已者也

適此爲才解適適妃子也子圉之辱備嬪嬙焉解辱質

於秦時嬪嬙婦官也疏解嬪嬙婦官○昭二年傳孔疏

婦官哀元年傳說夫差宿有妃嬙嬪是婦官知嬙亦
匈奴來朝詔以掖庭王嬙賜之是名因於古也欲以

成婚而懼離其惡名非此則無故解言欲以成婚懼以

爲子圉妻恐離其惡名非有此則無他故不敢以禮致

之歡之故也

解

不敢以婚姻正禮致之而令與於五人

歡愛此女之故公子有辱寡人之罪

解

辱謂降服也言

寡人不備禮故令公子卑之此自寡人之罪唯命是聽

解進退此女聽公子命公子欲辭

解

嫌於骨肉相取已

欲辭讓不敢當也司空季子曰同姓爲兄弟

解

季子晉

大夫胥臣曰季也後爲司空買侍中云兄弟婚姻之稱

也昭謂同姓爲兄弟謂同父而生德姓同者乃爲兄弟

以言惠公重耳其德不同則子圉道路之人可以娶其

妻黃帝之子二十五人其同姓者二人而已唯青陽與

夷鼓皆爲己姓

解

此二人相與同德故俱爲己姓青陽

金天氏帝少昊也

疏

解其二至少昊○白虎通義已者

紀識也二人有出類之德皆可紀識故爲己姓史記五

帝本紀黃帝二子其一曰元囂是爲青陽降居江水張

衡條上司馬遷所敘與典籍不合者十餘事其一事曰

帝系黃帝產青陽昌意周書乃命少皞清濤卽青陽也

今宜實定之故世本及春秋緯皆言青陽卽是少皞黃

帝之子代黃帝而有天下史記言青陽降居江水不爲

帝故張平子正之昭十七年傳孔疏此傳言其以鳥名

官則是爲帝明矣少皞氏身號金天氏代號也五帝本

紀索隱曰宋衷云元囂青陽是爲少皞繼黃帝立者而

史不敘蓋少昊金德王非五運之次故敘五帝不數之

也青陽方雷氏之甥也夷鼓彤魚氏之甥也**解**方雷西

陵氏之姓也彤魚國名帝繫曰黃帝取於西陵氏之子

曰纍祖實生青陽姊妹之子曰甥聲雷纍同

疏

青陽至

之甥○漢書人表上方雷氏黃帝妃生元囂是爲青
陽紖祖黃帝妃生昌意彤魚氏黃帝妃生夷鼓五帝本

紀索隱引皇甫謐云元妃西陵氏女曰嫫祖生昌意次妃方雷氏女曰女節生青陽次妃彤魚氏女生夷鼓是謚說與人表同今宏嗣以纍祖爲方雷又以爲西陵氏女實生青陽與人表不同蓋用司馬遷說也其同

生而異姓者四母之子別爲十二姓凡黃帝之子二十

五宗

解唐尙書云繼別爲小宗非也繼別爲大宗別子

之庶孫乃爲小宗耳其得姓者十四人爲十二姓**解**得

姓以德居官而賜之姓也謂十四人而二人爲姬二人

爲己故爲十二姓

疏

其得至二姓○史記五帝本紀索

耳今案胥臣云唯青陽與夷鼓同己姓又云青陽與蒼

林爲姬姓是則十四人爲十二姓其文甚明唯姬姓再

稱青陽當爲元囂是帝嚳祖本與黃帝同姬姓其國語

上青陽卽是少昊金天氏爲己姓者耳既理在不疑

無煩破四爲三近儒或謂上文皆爲己姓當作皆爲姬

姓下文故皆爲姬姓乃申說上文夷鼓蒼林爲一人皇
甫謚曰夷鼓一名蒼林齡案破已爲姬鼓未免鼠改傳文
况漢書人表夷鼓彤魚氏所生倉林嶠母所生姬酉祁
顯分兩人不得信皇甫謐而反不信班固也姬酉祁

已滕箴任荀偃姑偃依是也

疏姬酉祁已○五帝本紀

生於壽邱長於姬水因以爲姓居軒轅之邱因以爲名
又以爲號是本姓公孫長居姬水因改姓姬路史國名
紀酉卽西陽今黔之彭水漢西陽也○滕箴任荀○路史
也邵紀也故南郡卽縣已姓之祖○滕箴任荀○路史
國名紀今徐之西南十四里有故滕城紀年越王朱句
二十年滅滕司馬貞云滕之祖成六年傳師于鍼衛人
不保羅泌謂箴卽鍼又謂任禹陽國倉頡爲任大夫晉
邑今邢之任縣齡案隱十一年傳不與諸任任齒孔疏
引世本氏姓篇云任姓謝章綽舒呂祝終泉畢過言此
十國皆任姓也○段玉裁曰廣韻荀字下云姓出河內河
南河西三望國語云本自黃帝之子古厚切十一真荀
字下本姓卽後去邑爲苟然則國語作荀皆荀之誤也
潛夫論作拘案戰國時衛有苟變子思薦之○偃姑偃
依○路史國名紀釐偃也齊國釐城爲來音簡王十二

年舒庸人道吳園巢及釐虺姑見詩風俗通云殷時候

國一作吉周封女吉氏於南燕僊與僊同音史伯說十

邑有依嶠歷莘皆鄩唯青陽與蒼林氏同於黃帝故皆

爲姬姓解二十五宗唯青陽與蒼林德及黃帝同姓爲

姬也同德之難也如是解言德自黃帝同之難也如是

昔少典取於有嶠氏生黃帝炎帝解賈侍中云少典黃

帝炎帝之先有嶠諸侯也炎帝神農也虞唐云少典黃

帝炎帝之父昭謂神農三皇也在黃帝前黃帝滅炎帝

滅其子孫耳明非神農可知也言生者謂二帝本所生

出也內傳高陽氏高辛氏各有才子八人謂其裔子耳

賈君得之疏皆少至炎帝○五帝本紀索隱曰少典者

諸侯國號非人名也秦本紀云大業娶少

典氏而生柏翳明少典是國號非人名黃帝卽少典氏
後代子孫賈逵亦以左傳高陽氏有才子八人亦謂其
後代子孫而稱爲子炎黃二帝雖則承帝王代紀中問
凡隔八帝五百餘年若以少典是其父名豈黃帝紀五
百餘年而始代炎帝後爲大子乎何其年之長也漢書
人表少典與炎帝妃生黃帝黃帝既非炎帝之子且此傳
明言少典娶有蟠妃生黃帝則少典與非女安得云妃人表必傳
寫之誤補三皇本紀炎帝神農氏姜安得云妃人表必傳
氏之女爲少典與如感神龍而生炎帝人身牛首長于姜
水因以爲姓五帝本紀黃帝者少典之子索隱言黃帝
母曰附寶之祁野見大電繞北斗樞星感而懷孕二十
四月而生黃帝于壽正案嫫嫫字形近似故嫫轉爲媯
有媯氏之女旣名女登卽非附寶蓋黃帝是少典及女
登之裔孫非女登所親生之子也故其母自名附寶耳
黃帝以姬水成炎帝以姜水成解姬姜水名也成謂所
生長以成功也疏黃帝至姜水成○鄭駁五義云炎帝
水經渭水注岐水又東逕姜氏城南爲姜成而異德故
水東注雍水炎帝長於姜水是其地也

黃帝爲姬炎帝爲姜二帝用師以相濟也異德之故也

解濟當爲擠擠滅也傳曰黃帝戰於阪泉是也

疏二帝

故○五帝本紀神農氏世衰諸侯相侵伐暴虐百姓而神農氏弗能征軒轅乃習用干戈以征不享諸侯咸來賓從炎帝欲侵陵諸侯軒轅乃修德振兵與炎帝戰于阪泉之野集解引服虔曰阪泉地名皇甫謐曰在上谷正義引括地志阪泉今名黃帝泉在媯州懷戎縣東五十里出五里至涿鹿東北與涿水合晉太康地理志云涿鹿城東一里有阪泉上有黃帝祠漢書刑法志自黃帝有涿鹿之戰以定火災文類注炎帝號神農火行也後子孫暴虐黃帝伐之故言以定火災案史記征炎帝禽蚩尤而阪泉與涿鹿密邇分言之則二事通言之則可舉阪泉以相統故章異姓則異德異德則異類異引僖二十五年傳文也

類雖近男女相及以生民也

解

重耳懷嬴之舅故又言

此以觀之也近謂有屬名也相及相嫁取也同姓則同

德同德則同心同心則同志同志雖違男女不相及畏

黷敬也

解畏黷其類也

疏

畏黷敬也。○文選引國語

孔疏同姓相與先美今既爲夫妻又相結害美極驕寵更生妬害也前代敬備未設禁防周人以其慢黷故立

法以黷則生怨怨亂黷災災毓滅姓解毓生也是故娶

妻避其同姓畏亂災也故異德合姓同德合義

解合姓

合二姓爲婚姻也合義以德義相親義以道利

解有義

則利隨之利以阜姓

解

阜厚也姓利相更成而不遷

解

更續也遷離散也乃能攝固保其土房

解

攝持也保守

也房居也

疏

保其土房。○房居也者月令地氣沮泄是

蔽不使宣露與房舍相似令地氣泄漏是開發天地之

房則房有哀聚之義子孫無流移之患則土地無侵削

之憂此之謂保也

今子與子圉道路之人也

解言德姓異也取

其所棄以濟大事不亦可乎公子謂子犯曰何如對曰將奪其國何有於妻唯秦所命從也解言將奪其國何亂於妻初奚齊卓子死秦伯欲納重耳子犯難之以爲不可今更言此者子圉無道害重耳使狐突召子犯及其兄毛突不召而殺之故重耳子犯皆怨之謂子餘曰何如解子餘趙衰字對曰禮志有之曰將有請於人必先有入焉解必先有以自入也欲人之愛已也必先愛人欲人之從已也必先從人無德於人而求用於人罪也解言不先施德於人而求人爲己用者罪也今將婚

媾以從秦解重婚曰媾從從其命也受好而愛之解受

其所好而親愛之聽從以德之解使之德已懼其未可

也又何疑焉乃歸女而納幣且逆之解歸女納幣更成

婚禮逆親迎也疏解歸女至親迎○傳二十三
年傳孔

禮迎之也成八年傳孔疏昏禮下達之後初有納采擇

之禮既納采其日即行問名歸得吉卜又使使納吉復

遣納徵徵成也納幣以成昏禮多故指幣言之納幣後

麗皮其諸侯謂之納幣以其幣多故指幣言之納幣後

又有請期親迎是謂六禮釋例曰納幣逆女皆必他日

使卿行案六禮中納幣親迎爲重故傳特舉之也他日

秦伯將饗公子公子使子犯從子犯曰吾不如衰之文

也解文文辭也請使衰從乃使子餘從秦伯饗公子如

饗國君之禮子餘相如賓解詔相重耳如賓禮也卒事

秦伯謂其大夫曰爲禮而不終恥也

解

言此爲明日將

復燕中不勝貌恥也

解

勝當爲稱中不稱貌情貌相違

也華而不實恥也

解

有華色而無實事不度而施恥也

解不度已力而施德施而不濟恥也

解

濟成也恥門不

閉不可以封

解

五恥之門不閉塞者不可以封國爲諸

侯也非此用師則無所矣

解

非能閉此五恥之門則用

師無所也二三子敬乎

解

敬此五者明日燕秦伯賦采

叔

解

采叔三章屬小雅王賜諸侯命服之樂也其首章

曰君子來朝何錫予之雖無予之路車乘馬子餘使公

子降拜

解

降下堂也秦伯降辭子餘曰君以天子之命

服命重耳重耳敢有安志敢不降拜成拜卒登子餘使公子賦黍苗解黍苗亦小雅道邵伯述職勞來諸侯也其詩曰芄芃黍苗陰雨膏之悠悠南行邵伯勞之子餘曰重耳之叩君也若黍苗之叩陰雨也若君實庇廕膏澤之使能成嘉穀薦在宗廟君之力也解在宗廟爲祭主君若昭先君之榮東行濟河整師以復疆周室重耳之望也解先君謂秦襄公討西戎有功賜爵爲伯有榮耀也重耳若獲集德而歸載解集成也載祀也使主晉民成封國其何實不從解言實從也君若恣志以用重耳解用使征伐也四方諸侯其誰不惕惕以從君命秦

伯曰是子將有焉豈專在寡人乎秦伯賦鳩飛解鳩飛

小雅小宛之首章也詩云宛彼鳴鳩翰飛戾天我心憂

傷念昔先人明發不寐有懷二人言已念晉先君泊穆

姬不寐以思安集晉之君臣也詩序曰文公遭驪姬之

難未反而秦姬卒言已念傷亡人思成公子也疏秦伯

飛○秦伯因公子繫復命以重耳爲仁人故言我心憂

傷謂已憂晉國之難念昔先人謂念已與晉獻相好中

之以盟誓重之以婚姻明發不寐有懷二人勉重耳白

懷其父母以孝治國仰答獻公之靈至飲酒溫克以下

義無所取故不賦也宏嗣謂是時穆姬已卒穆公念晉

先君泊穆姬不寐思成公子案穆姬爲晉獻之女未可

與晉獻合稱二人且穆公施德于重耳仗天下之公義

未必因穆姬伉儷之情而始爲此傳標鳩飛之自而易

去小宛之舊名以見義止取首章並公子賦河水解河

非一詩兩名可比時遺名肆夏之例

當作河字相似誤也其詩曰河彼流水朝宗于海言已

反國當朝事秦

疏公子賦河水。杜注河水逸詩義取

爲逸詩則辭凸而義從何見以朝宗于海屬之河水經
文無證宏嗣破河爲河遠勝杜說當其時呂卻在國惠
懷無親邦人諸友莫肯念亂

秦伯賦六月

解六月小雅

誰無父母確合當時情勢

道尹吉甫佐宣王征伐復文武之業其詩云王于出征

以匡王國其二章曰以佐天子其三章曰共武之服以

定王國此言重耳爲君必霸諸侯以匡佐天子子餘使

公子降拜秦伯降辭子餘曰君稱所以佐天子匡王國

者以命重耳重耳敢有惰心敢不從德

解稱舉也公子

親筮之曰尙有晉國

解

著曰筮尙上也命筮之辭也禮

曰某子尙享之得貞屯悔豫皆八也

解

內曰貞外曰悔

震下坎上屯坤下震上豫得此兩卦震在屯爲貞在豫

爲悔八謂震兩陰爻在貞在悔皆不動故曰皆八謂爻

無爲也

疏

得貞至皆八。周禮疏引服虔曰連山歸藏

義易乾鑿度

曰陽動而進陰動而退

故陽以七陰以八

爲象鄭康成注

象爻之不變動者

九六爻之變動者

繫

辭曰爻效天下之動也

然則連山歸藏

占象之變動者

繫

豫此再筮也

初筮得屯再筮得豫

胡肅明之說如此屯

悔

豫皆有不震體主器者莫若長子得國之兆也

初筮得貞

不

變

以屯之象辭占其繇曰元亨利貞勿用有攸往利建

侯豫大爻不變以豫之象辭占其繇曰元亨利貞勿用有攸往利建

不

變

司空季子曰吉是在易皆利建侯益九六變而七八

不

變

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

六六爻皆不變謂之七八然則內外傳何以但言八而

不言七經曰陽卦多陰陰卦多陽非獨三畫之卦然也
即六畫之卦亦莫不然遇陽卦多陽而六爻不變則謂之八
遇陰卦而六爻不變則謂之七屯豫皆遇八非周易然三
孔穎達謂遇八之下別言周易知此遇八非周易然三
人占則原各掌一代之易筮史論其常故以歸藏連山
占彖司空季子以周易之辭通夏殷之法而占二卦之
彖故下文所引皆周易語也一解易稱天下之動貞夫
一故卦爻之動一則正兩則惑京氏筮法一爻變者爲
九六二爻以上變爲八晉公子得一貞屯悔豫乃三爻變
不稱屯之豫而稱八所謂貞夫一也七者舊之數八者
卦之數著圓而稱八卦所謂貞夫一也七者舊之數八者
謂卦之數未成者藏往謂卦之已成者知來智以藏往知來
春秋內外傳無筮得某卦之七者以七之數未成卦也
此說雖引經立義然與鄭義相歧又與章解未協今並
兩存之以
侯采擇
筮史占之皆曰不吉
解筮史筮人掌以三易

辨九筮之名一夏連山二殷歸藏三周易以連山歸藏

占此兩卦皆言不吉

疏

解筮史至不吉。周禮大卜掌三易之法一曰連山二曰歸藏

三曰周易鄭注易者撰著變易之數可占者也名曰連山似山之內出雲氣也歸藏者萬物莫不歸而藏於其中也洪範孔傳夏殷周卜筮各異三法並卜從二人之言是言筮用三易之事桓譚新論連山八萬言歸藏四千三百言魏晉迄隋遂就湮墜劉炫偽造連山司馬腐偽造歸藏其言皆不足信也真本久亡此傳筮史所占未知爲用連山閉而不通爻無爲也解閉壅也震爲動爲用歸藏也

動遇坎坎爲險阻閉塞不通無所爲也司空季子曰吉是在周易皆利建侯解建立也以周易占之二卦皆吉也屯初九曰利建侯豫大象曰利建侯行師吉不有晉國以輔王室安能建侯我命筮曰尙有晉國筮告我曰利建侯得國之務也吉孰大焉解務猶趨也震車也解易坤爲大車震爲動爲雷今云車者車亦動聲象雷其

疏

古解易坤至小車。○周取易說卦傳坤爲大輿。

說卦又曰震
翻曰太陽

動也虞翻曰陽出動行說卦又曰震爲雷

坤什
 震丁
 爲晉
 作車遇
 坤屯

爲之
 的馬
 領案
 則坤
 亦爲
 爲大
 與震
 車震
 其於
 亦馬
 馬也
 爲善
 坤之
 用爲

而在學
上震足
有車爲
車之作
在行足

馬後行而不止之象動萬物者莫疾乎雷

動故
之震
微爲
也動
宏亦

爲雷震驚百里卽大車攸往之象是雷卽
以爲小車之聲次水也坤上也屯厚也

象雷也舊無
樂也事班

此說不敢輒定
外內順以訓之
車震也班固也
外內

者謂屯之內

有震豫之外亦有震坤順也豫內爲坤屯

二與四亦爲坤泉原以資之

解資財也屯三至五豫二

至四皆有艮象豫三至五有坎象艮山坎水水在山下

爲泉原統而不竭也土厚而樂其實不有晉國何以當

之解屯豫皆有坤象重坤故厚豫爲樂當應也震雷也

車也坎勞也水也衆也解易以坤爲衆坎爲水水亦衆

之類故云疏坎勞至衆也。坎勞也者說卦文鄭注坎

憬注陽氣伏於子潛藏地中未能浸長勞局衆陰之中

也水也者亦說卦文宋衷曰坎陽在中內光明有似于

水衆也者坤爲衆坎得坤之二爻又其位爲萬物所主

歸水洊至而不盈則所積益厚故以爲衆之類也

雷與車解內爲主也而尙水與衆解坎象皆在上故尙

水與衆車有震武也解震威也車聲軒隆象有威武疏

車有震武也。閏二年傳辛廖曰安而能殺杜注坤安

震殺昭二十五年傳爲刑罰威獄以類其震曜殺戮是

震用威武殺戮衆而順文也解坤爲衆爲順爲文象有

之意故云武也

文德爲衆所歸

疏

物三稱羣陰爲民

○坤爲衆者虞翻曰

也爲順者虞翻曰純柔承天時行故順爲文者九家易

曰萬物相雜故爲文也堯欽明文思安安協和萬邦成

王爲文子文孫六服羣辟罔不承

德故曰象有文德爲衆所歸也

文武具厚之至也故

曰屯

解

屯厚也

其繇曰

元亨利貞

勿用有攸往

利建侯

解

繇卦辭也亨通也貞正也攸所也往之也小人勿用

有所之君子則利建侯行師

疏

其繇至建侯○釋文引

出吉凶也虞翻曰剛柔交震故元亨之初得正故利貞

矣之外稱往動震得正起之欲應動而失位故勿用有

拔也昭七年傳衛孔成子以周易筮立靈公其卦遇屯

史朝曰其繇曰利建侯嗣吉何建建非嗣也申生既卒

重耳以庶子入國此侯所以言建以彼證此其義相同

也

主震雷長也故曰元

解

內爲主震爲長男爲雷雷爲

也

主震雷長也故曰元

解

諸侯故曰元元善之長也

疏

解雷爲至之長○雷爲諸

首也震驚百里公侯之封也九家易曰乾者君卦也六

爻皆當爲君始而大通君德會合故元爲善之長也

衆而順嘉也故曰亨

解

嘉善也衆順服善故曰亨亨嘉

之會也

疏

嘉善至之會○九家易曰通者爲陽內有震

雷故利貞

解

屯內有震賈侍中云震以動之利也侯以

正國貞也利義之和也貞事之幹也

疏

解屯內至之幹

震爲雷雷動物之氣也雷之發聲猶人君出政以動國

中之人也故謂之震又曰雷發聲聞于百里古者諸侯

之象諸侯之教令能警戒其國內則守其宗廟社稷爲

之祭主不亡七鬯也是時重耳在秦天啟之心人悲之

倫正所謂侯以正國也利義之和也者荀爽曰陰陽相

和名得其宜然後利矣貞事之幹也者荀車上水下必

爽曰陰陽正而位當則可以幹舉萬事

伯解車震也水坎也車動而上威也水動而下順也有

威而衆從故必伯也

疏

車上水下必伯○諸侯之長把持政令以號召天下者爲伯哀

十三年傳晉人曰於姬姓我爲伯若霸則月之無光處說文霸月始生霸然曰周書曰哉生霸僞伯爲霸失其義

矣小事不濟壅也故曰勿用有攸往

解

濟成也小事小

人之事壅震動而遇坎坎爲險阻故曰勿用有攸往一

夫之行也

解

一夫一人也易曰震一索而得男故曰一

夫又曰震作足故爲行也

疏

解易曰至爲行○易疏引馬融注索數也王肅曰索

求也以乾坤爲父母而求其子也得父氣者爲男得母氣者爲女孔穎達曰坤初求得乾氣爲震故曰長男又

曰震動用

衆順而有武威故曰利建侯

解

覆述上事坤

母也震長男也母老子彊故曰豫

解

豫樂也其繇曰利

建侯行師居樂出威之謂也解居樂母在內也出威震

在外也居樂故利建侯出威故利行師也疏

故曰至行師○易馬

融注豫樂也鄭康成注坤順也震動也順其性而動者莫不得其所故謂之豫豫喜悅樂之貌震又爲雷諸侯之象坤元爲衆師役之象故利建侯行師矣卦義如此則占得之者本吉季子不言坤順震動而言母老子強者是時必狐姬尙在公子又得秦晉之輔季子恐公子信筮史不吉之言故以時事傳合言之以決其入晉之志也是二者得國之卦也解二者屯豫也十月惠公卒

十二月秦伯納公子

解內傳魯僖二十三年九月晉惠

公卒而此云十月賈侍中以爲閏餘十八閏在十二月

後魯失閏以閏月爲正月晉以九月爲十月而置閏也

秦伯於十二月始納公子公子以二十四年正月入晉

桑泉疏

秦伯納公子。韓非子十過篇公子入秦三年

臣皆曰善。公因起卒革車五百乘。疇騎二千。及河子犯

授公子載璧

解

載祀也。授還也。曰臣從君還軫巡於天

下惡其多矣

解

巡行也。臣猶知之而況君乎。不忍其死

請由此

解

公奔也。公子曰所不與舅氏同心者有如

河水沈璧以質

解

如往也。質信也。言若不與舅氏同心

不濟此河往而死也。因沈璧以自誓爲信

疏

沈璧以質

外儲說文公反國至河令蘧豆捐之。席蓐捐之手足。胼

二十一年乃今得反國。咎聞之不喜而哭。意不欲寡人反

國邪。犯對曰蘧豆所以食也。席蓐所以臥也。而君捐之

手足。胼面曰蘧豆。勞有功者也。而君後之。今臣有與

在後中不勝其哀故哭且臣爲君行詐僞以反國者衆

矣臣尙自慙也而况於君再拜而辭文公止之曰築社者擣礬而置之端冕而祀之今子與我取之而不與我治之與我置之而不與我祀之焉可解左驂而盟于河案彼言解驂此言沈璧者襄十八年傳沈璧以濟昭二祭川也定三年傳執玉而沈是祭川用玉夏官小子職凡沈辜侯禴飭其牲鄭司農云沈謂祭川是祭川有牲祭川並用牲玉也解驂沈璧文互相補言盟于河祀河畢而遂董因迎公於河解因晉大夫周太史辛有之後盟也

也傳曰辛有之二子董之晉故晉有董史

疏解因晉至董史○昭

十五年傳杜注辛有周人也其二子適晉爲太史董督晉典因爲董氏董狐其後也漢書律歷注顏注董因晉之史因其名也案狐當晉靈公問焉曰吾其濟乎對曰公時則因實狐之先人也

歲在大梁將集天行元年始受實沈之星也解歲在大

梁謂魯僖二十三年歲星在大梁之次也集成也行道

也言公將成天道也公以辰出晉祖唐叔所以封也而
以參入晉星也元年謂文公卽位之年魯僖二十四年
歲星去大梁在實沈之次受受於大梁也自胃七度至
畢十一度爲大梁自畢十二度至東井十五度曰實沈

疏

解魯僖至實沈○漢書律歷志大梁初胃七度穀雨

中井初八度清明終畢十一度案胃止于十四度交昂計十
一度終于畢之十一度則大梁共三十度畢止于十六
度交觜計二度交參計九度終于井之十五度則實沈
共三十一度錢大昕曰占法歲星與太歲常相應歲星
自丑右行太歲自子左行歲移一次周則復始歲在大
梁太歲必在辰辰與西合言星可以見歲也若三國志
注建安二十五年歲在大梁而青龍在庚
子則太歲與歲星不能相通爲一法矣
實沈之虛晉
人是居所以興也解虛次也是居居其分次所主祀也

傳曰高辛氏有子季曰實沈遷于大夏主祀參唐人是

因成王滅唐而封叔虞南有晉水子變改爲晉侯故參

爲晉星

疏實沈至以興○地理志臣瓚注唐今河東永

里順帝改僦曰永安則瓚以唐國爲永安皇甫謐曰堯

始封於唐

今中山唐縣是也後徙晉陽及爲天子都平

陽於詩爲唐國括地志唐城一在絳州翼縣西二十里卽堯裔

二里爲太原

之唐城一在絳州翼縣西二十里卽堯裔

子所封爲平陽之唐城兩地相去七百餘里王伯厚詩

地理考謂括地志

晉陽之唐城兩地相去七百餘里王伯厚詩

志太原郡晉陽縣故詩唐國龍山在西北晉水所出東

入汾臣瓚顏師古

並指爲永安蓋叔虞始封在永安卽

瓚所謂堯居之唐變父徙晉水之南卽晉陽之唐城穆

侯又遷于翼

卽平陽之唐城自晉陽以後國雖稱晉而

地仍冠之以唐晉世家言唐叔封於河汾之東正指最

初之永安而言也

○解傳曰至晉星○唐人是因者鄭

世家集解引左傳賈逵注唐人謂陶唐氏之允劉累也

事夏帝孔甲封于大夏

因實沈之國子孫以服事商也

服虔注大夏在汾澮之間正義謂劉累遷于魯縣夏后
蓋別封劉累之後于夏之墟爲唐侯至周成王時唐人
作亂成王滅之而封太叔遷唐人子孫於杜謂之杜伯
水經晉水出晉陽縣西縣東過其縣南又東入于汾
汾水酈注縣故唐國晉書地道記及十三州志並言晉
水出龍山一名紉山在縣之西南昔智伯過晉水以灌晉
之山晉水出焉今在縣之西南昔智伯過晉水以灌晉
陽其川上滌後人踵其遺跡畜以爲沼沼西際山枕水
有唐叔虞祠晉世家成王與叔虞戲削桐葉爲珪以與
叔虞曰以此封若史佚因請擇日立叔虞成王曰吾與
之戲耳史佚曰天子無戲言則史書之禮成之樂歌之
於是遂封叔虞於唐叔虞字子于唐叔子變是爲晉侯
正義引國都城云唐叔虞之子變父徙居晉水傍今井
理故唐城唐者卽變父所徙之處其城南半入州城中
創爲防城牆北半見在毛詩譜云叔虞子變父以堯墟
南有晉水改曰晉侯參九度全在實沈次內故參爲晉
星也今君當之無不濟矣

解

當歲星在實沈之虛故無不

成君之行也歲在大火大火闕伯之星也是謂大辰

解

君之行謂魯僖五年重耳出奔時歲在大火大火大辰

也傳曰高辛氏有子曰閼伯遷於商丘祀大火疏火至

祀大火○爾雅釋天大火謂之大辰公羊傳疏引孫炎

注大火心也其中最明故時候主焉又引李巡注大火

蒼龍宿之心以候四時故曰大辰案心星也辰以成善

明而易識故詩屢言三星鄭箋以爲心星也

后稷是相唐叔以封解成善謂辰爲農祥周先后稷之

所經緯以成善道相視也謂視農祥以戒農事封者唐

叔封時歲在大火警史記曰嗣續其祖如穀之滋必有

晉國解警史記云唐叔之世將如商數今言嗣續其祖

明趣同也言晉子孫將繼續其先祖如穀之蕃滋故必

有晉國臣筮之得泰之八解乾下坤上泰遇泰無動爻

筮爲侯泰三至五震爲侯陰爻不動其數皆八與貞屯

悔豫皆八義同曰是謂天地配亨小往大來解陽下陰

升故曰配亨小論子圍大論文公陰在外爲小往陽在

內爲大來疏是謂至大來。周易集解荀爽曰坤氣上

氣若時不交則爲閉塞今既相交乃通泰斯即天地配

亨之義又引虞翻曰坤陰誦內爲小往乾陽信內稱大

來斯即小往今及之矣何不濟之有且以辰出而以參

入皆晉祥也解辰大火也參伐也參在實沈之次疏且

至晉祥。班孟堅幽通賦我女烈而喪孝兮伯祖歸於

龍虎應劭注伯文公也孟康注歲在卯出歷十九年過

一龍也往必應之參虎星也歸則應之。解參伐至之

次。史記天官書參爲白虎三星直者是謂衡石下有

三星兌曰罰爲斬艾事其外四星左右肩股也孟康曰

參三星者白虎宿中鹵直似稱衡張守節謂紫三星參三星外四星爲實沈於辰在中罰亦作伐春秋運斗樞曰參伐事主斬伐也律書涼風北至於罰罰者言萬物氣奪可伐也北至於參參亦言萬物可參也故曰參七月也實沈之次自畢十二度至井十五度畢終十六度而入觜觜終二度而入參參終九度而入井則參正當實沈之中央故云而天之大紀也解所以大紀天時也參在實沈之次

傳曰大火爲大辰伐亦爲大辰辰時也濟且秉成必霸諸侯解秉執也子孫賴之君無懼矣公子濟河召合狐

曰衰桑泉皆降

解三者皆晉邑召召其長也

疏

解三者皆晉邑

○令狐今山西平陽府猗氏縣西十五里有令狐城桑泉僖二十四年傳杜注在河東解縣西今平陽府臨晉縣東十三里有桑泉城曰衰杜注解晉人懼懷公奔高縣東南有白城今平陽府解州西北晉人懼懷公奔高梁解高粱晉地呂甥冀芮帥師甲午軍於廬柳解甲午

魯僖二十四年二月六日廬柳晉地軍猶屯也

疏

解甲

晉地。○黃丕烈引李銳說謂大當作四於三統術是歲

正月庚寅朔五日甲午時失一閏而朔後三統一日故

云二月四日廬柳晉地者今山

西平陽府猗氏西北有廬柳城秦伯使公子繫如師解

告曉呂冀師退次於郕解

師晉地退師聽命也疏

○漢書地理志臣瓚注汲郡古文晉武公滅荀以賜大

夫原氏黯是爲荀叔又云文公城荀今河東有荀城古

荀國水經涑水注涑水又西逕郕城荀詩云郕伯勞之蓋

其故國杜元凱春秋釋例今解縣西北有郕城服虔曰

郕國在解縣東郕瑕氏之墟也又引京相璠春秋土地

名桑泉曰衰並在解東南不言解明不至解今解故城

東北二十四里有故城在猗氏故城西北鄉俗名之爲

郕城考服虔之說又與俗符齡案懷公遣距重耳之師

由東嚮西今聽秦伯納重耳之命故退而東還由廬柳

越解而東則郕當在解東若如杜氏之言郕在解西北

則當言晉師進及郕不當

言退矣服義優於杜也辛丑狐偃及秦晉大夫盟於

郇王寅公入於晉師甲辰秦伯還解秦伯送公子於河

上公入而還丙午入於曲沃丁未入於絳卽位於武宮

疏

卽位於武宮。僖二十四年傳杜注文公之祖武公廟

戊申刺懷公於高粱解

刺殺也

初獻公使寺人勃鞞伐公於蒲城解勃鞞寺人披也伐

蒲城在魯僖五年文公踰垣勃鞞斬其袪解袪袂也疏

解袪袂。○僖五年傳孔疏禮深衣記云袂之長短反詘之及肘喪服云袂屬幅袪尺二寸幅謂衣之身也袂屬于幅長于手反詘至肘則從幅盡于袖口總名爲袂其袂近口又別爲袪此斬其袪斬其袖之末也詩唐風羔裘傳云袪袂末玉藻鄭注袪袂口也及入勃鞞求見公袂是總名得以袂表袪故云袪袂也

辭焉曰驪姬之讒爾射子於屏內

解樹謂之屏禮諸侯

內屏困子於蒲城斬子衣袪又爲惠公從子於渭濱解

濱涯也重耳在翟從翟君獵於渭濱勃鞞爲惠公就殺

之疏

解濱涯至殺之。韓非子難三文公出公獻公使

惠實不得也案渭水之濱純言耳舉其地之名則惠實也命曰三日若宿而至解命

使三日一宿而至若汝也若干二命以求殺予解干犯

也二命獻惠之命予於伯楚屢困何舊怨也解伯楚勃

鞞字也屢數也數見困有何舊怨也退而思之異日見

我對曰吾以君爲已知之矣故入解知爲君爲臣之道

也入反國也猶未之知又將出矣解猶未知之將復失

國出走也事君不貳是謂臣好惡不易是謂君解易反

也君君臣臣是謂明訓解訓教也明訓能終民之主也

二君之世蒲人翟人子何有焉解當獻惠之世君爲蒲

人翟人耳二君之所惡也於我有何義而不殺君乎除

君之所惡唯力所及何貳之有今君卽位其無蒲翟乎

解獨無有所畏惡如蒲翟者乎伊尹放太甲而卒以爲

明王解太甲湯孫太丁之子也不明而伊尹放之桐宮

三年太甲改過伊尹復之卒爲明王疏伊尹放太甲○

祁奚曰伊尹放太甲而相之卒無怨色孟子答萬章曰

太甲顛覆湯之典刑伊尹放之於桐三年太甲悔過自

怨自艾於桐處仁遷義三年以聽伊尹之訓已也復歸

于亳殷本紀帝太甲既立三年不聽伊尹之訓已也復歸

之于桐宮三年伊尹攝行政事帝太甲居桐宮三年悔

過自責反善于是伊尹乃迎帝太甲而授之政王鳴盛

曰首三年字指初卽位後下三年指被放後前後共六
年今晚出之大甲中篇乃謂唯三祀十有二月朔伊尹
以冤服奉嗣王歸于亳似元祀放桐三祀除喪歸亳與
史記不合案司馬遷營從孔安國問故得真古文尙書
其說確有所本不可反因晚出之古文尙書而疑之至
謂王潛出自桐宮○殷伊尹此又晉人之妄語不足詰也○
解太甲至王離宮○殷伊尹此又晉人之妄語不足詰也○
地名也有王離宮○殷伊尹此又晉人之妄語不足詰也○
魏晉間孔傳出始有此說此說果真是漢武帝時已知
湯葬處矣何劉向告成帝曰殷湯無葬處乎直至哀帝
建平元年大司空御史長卿案行水災因行湯冢始得
之劉向固不知也向且不知而謂孔安國知之乎趙岐
注桐爲邑亦不云葬地後漢郡國志梁國有虞縣有薄
縣虞則有空桐地有桐地有桐亭薄下注云有湯冢雖
相去未遠判然各爲一縣管仲賊桓公而卒以爲侯伯
所有豈得指桐爲湯墓乎

鉤

解

乾時之戰在魯莊九年申孫矢名鉤帶鉤也

疏

時乾

之役。莊九年傳杜注：「乾時齊地，時水在樂安縣界，支流早則渴。」
博興縣北時水在其南。○申孫至桓鉤。○襄二年傳：「鄭成公曰：『楚君以鄭故，親集矢于其目。』疏引說文曰：『鳥之短尾者，總名爲佳。』集在木上爲集。集是鳥在木上之名，矢有羽，似鳥，故亦稱集也。」
文選枚叔七發：「李善注引國語：『賈逵注：鉤，帶鉤也。』」
是韋解本賈注也。鉤近於祛而無怨言。解：近害近也。

鉤在腹祛在手，佐相以終克成，令名今君之德，宇何不

寬裕也。

解：宇，覆也。惡其所好，其能久矣。

解：言已忠臣君

所當好而反惡之，能久爲君乎？君實不能明訓而棄民

主。

解：棄爲民主之道，余皐戾之人也。又何患焉？

解：勃鞞

閹士，故曰皐戾之人，且不見我君其無悔乎？於是呂甥

冀芮畏懼，悔納公謀作亂。

解：

此二子本惠公黨，畏見偏

害故謀作亂將以己丑焚公宮解己丑魯僖二十四年

三月朔時以爲二月晦公出救火而遂殺之伯楚知之

故求見公公懼遽見之解遽疾也曰豈不如女言然是

我惡心也解惡心心惡謂不恕也吾請去之伯楚以呂

卻之謀告公公懼乘駟自下脫會秦伯於王城解駟傳

也自從也下下道也脫會遁行潛逃之言也王城秦河

上邑疏解駟傳也○爾雅釋言駟遠傳也說文駟驥傳

然襄二十七年傳子木使駟謁諸王二十八傳吾將

使駟奔問之晉則駟不專屬尊者左傳疏又引爾雅孫

炎注傳車駟馬郭注則曰皆傳駟馬之名案古無單騎

則駟自兼車馬也○

解脫會至之言○襄十八年傳杜

張旗幟

告之亂故及己丑公宮火二子求公不獲遂如

河上秦伯誘而殺之

文公之出也豎頭須守藏者也不從解豎文公內豎里

臯須也公出不從竊藏以逃盡用以求納公疏解豎文

○周禮天官鄭注豎未冠者之官名韓詩外傳晉文公

過曹里臯須從因盜重耳資而亡重耳無糧餒不能

行介之推割股以食重耳然後能行案內傳須言何必

罪居者則須自在晉無同出過曹之事韓詩之說非也

公入乃求見公辭焉以沐謂謁者曰沐則心覆解謁告

也覆反也沐低頭故言心反也疏謂謁者曰○戰國策

難得見如鬼王難得見如帝漢書藝文志成帝使謁者

陳農求道書於天下後漢書靈帝紀二年春大疫使常

侍中謁者巡行致醫心覆則圖反宜吾不得見也從者

爲羈紲之僕解馬曰羈犬曰紲言二者臣僕之役也居

者爲社稷之守何必舉居者國君而離匹夫懼者衆矣
謁者以告公遽見之

元年春公及夫人嬴氏至自王城解文公元年魯僖二

十四年賈侍中云是月失閏以三月爲四月故曰春而
不言其月明四月爲春分之月也嬴氏秦穆公女文嬴

也或曰夫人辰嬴也傳曰辰嬴賤班在九人非夫人也

賈得之疏解嬴氏至得之○韓非子外儲說秦伯嫁其

十人至晉晉人愛其妾而女於晉公子令晉爲之裝飾從文衣之媵七
賤公女此夫人初至事也秦伯納衛三千人實紀綱之

僕解所以設國紀綱也爲之備衛僕使也疏秦伯至之

子十過爲穆公以囑駘二千輔公子重耳入晉禮記疏
引漢律民年二十傅之疇官各從其父學習騎射卽所

謂紀綱之僕也高誘曰衛猶護助也文七年內傳服虔注衛從兵也公屬百官賦職任功
解屬會也賦授也授職事任有功也棄責薄斂施舍分
寡**解**棄責除宿責也施施德也舍舍禁也分寡分少財
也救乏振滯匡困資無**解**救乏救乏絕也振拯也拯淹
滯之士匡正也正窮困之人資無予無財者輕關易道
通商寬農**解**輕關輕其稅也易道除盜賊也通商利商
旅也寬農寬其政不奪其時茂穡勸分省用足財**解**茂
勉勉稼穡也勸分勸有分無也省減省國用也足財備
凶年也利器明德以厚民性**解**利器利器用也明德明
德教也厚民性厚其性情舉善援能官方定物**解**方常

也物事也立其常官以定百事正名育類解正名正上

下服位之名育長也類善也

疏解正名至之名○論語述而馬融注正百事之

名皇侃義疏必須正名者爲時昏禮亂言語雜名物失其本號故必以正名爲先韓詩外傳云孔子侍坐季孫季孫之宰通曰君使人假馬其與之否乎孔子曰君取臣謂之取不謂之假季孫悟告宰通曰今日以來云君有取謂之取無曰假也故孔子正假馬之名而君臣之義定也案論語皇疏引韓詩就君臣一端以爲之準是時晉亂初平必上下有服尊卑不踰而昭舊族解昭後紀綱可立故宏嗣以上下服位言之

明也舊族舊臣有功者之族愛親戚明賢良解明顯也

尊貴寵

解

國之貴臣尊寵之賞功勞事耆老禮賓旅解

旅客也友故舊

解

故舊爲公子時也胥籍狐箕欒卻柏

先羊舌董韓實掌近官

解

十一族晉之舊姓近官朝廷

者

疏

胥籍狐箕。僖二十三年傳司空季子杜注胥臣

而爲司空之官案胥氏始于此昭十五年傳王曰昔而

高祖孫伯黶司晉之典籍故曰籍氏疏引世本云黶生

司空頡頏生南里叔子功大伯正官伯引世本云黶生

生曲沃正少襄襄生司功大伯正官伯引世本云黶生

游生談談生秦秦文公時不知籍氏當何世也閔二年

狐突始見于傳晉語叔詹曰狐氏出自唐叔狐姬伯行

之子也杜預曰狄者蓋先出在戎後復歸晉也文九年箕

子孫別在戎狄者蓋先出在戎後復歸晉也文九年箕

鄭見于經文七年傳杜注箕鄭將上軍則亦卿也但先

人當晉文時者未詳何名○樂卻柏先○恒五年傳惠

之二十四年晉封桓叔於曲沃靖侯之孫欒賓傳之孔

疏曰特云靖侯之孫言其得貴寵公孫爲傳相也此人

之後遂爲欒氏蓋其父字欒案文公時爲欒枝傳二十

五年傳杜注欒枝欒賓之孫上伐翟桓傳卻叔虎始見

僖六年卻乞始見于左傳晉文蒐于被廬卻穀將中軍

卻漆佐之但世本久無由知其傳次宣十五年伯宗

始見于傳其先人當晉文時者不知何名據昭三年春

伏疏伯氏爲大夫非卿也先氏自閔二年皋落氏之戰

先友先丹木始見于傳被廬之蒐先軫佐下軍其後先
且居因父功將中軍文二年先蔑奔秦宣十三年晉人
討郤之敗與清之師歸罪于先穀而殺之盡滅其族曰
羊舌董韓○閔二年傳孔疏羊舌氏也爵爲大夫號曰
羊舌大夫不知其如何也此人生羊舌或曰羊舌氏李
云羊舌氏晉之公族羊舌其不敢不受而埋之後盜羊
名果有人盜羊而遺其頭不食邑或曰羊舌氏李
事發辭連李氏李氏掘羊頭而示之以明已不食惟議
其舌僑生存得免號曰羊舌案唐書宰相世系表晉武公
子伯僑生文文生突羊舌大突生職職五子赤肸
鮒虎季夙則世系甚明至盜羊埋頭之說雖廣與聞不
足爲典要也昭十五年傳王曰及辛有之二子董之晉
於是乎有董史杜注辛有周人也其二子適晉爲太史
籍縣與之共董督晉典因爲董氏案辛有平王時人則
東遷之初董氏已在晉或引董氏改逸於董杜注河
東汾陰縣有董亭指爲董氏食邑然董氏以官爲氏非
以邑爲氏其說非也桓三年曲沃伐翼韓萬御戎韓氏
始見于傳杜注韓萬莊伯弟則萬爲桓叔子故晉語叔
向謂韓宣子曰能修武子之德起再拜謝曰自桓叔以
下借吾子之賜史記索隱引世本曰萬生昧伯昧伯生

定伯簡簡生與生獻子厥世次甚明乃韓世家曰韓之先與周同姓姬氏其後苗裔事晉得封韓原曰韓武子武子今據此文韓厥司馬貞曰左傳邲晉滅武穆之穆也今據此文韓厥司馬貞曰左傳邲晉滅武穆復封其裔於韓原非曲沃成師之子然左傳言魏爲公侯之子孫必復其始而韓無聞焉則韓未必爲韓侯之裔泥左傳及世本並言韓萬爲韓氏諸姬之良掌其中之始則與邲晉應韓之韓無涉也

官解諸姬同姓也中官內官也異姓之能掌其遠官解

遠官縣鄙也公食貢疏公食貢。周官禮大司徒諸侯

諸侯之地封疆方四百里其食者參之一諸伯之地封疆方三百里其食者四之一諸男之地封疆方二百里其食者三之一諸采之地封疆方一百里其食者二之一諸衛之地封疆方五十里其食者一之一

鄭司農注其食者半公所食租稅得其中半耳其半皆附庸小國也屬天子參之一者亦然案此傳言大夫食邑

食貢者言於參之一租稅之外無益斂也大夫食邑

疏大夫食邑。邑卽采邑王制鄭注謂取其美物以當穀稅禹貢馬注采事也案大夫能服王事故以采邑

也。剛之**士食田**解受公田也疏。士食田。漢書食貨志。士

一人周官禮載師疏。士之子不免農大夫之子乃免農

據此則士得食其自耕之田。襄二十九年傳。趙武以絳

老爲絳縣師。與之田使爲君復陶。庶人食力解。各由其

力疏。庶人食力。故知士受公田也。五曰府。掌官契以治藏

曰徒。掌官令以徵令。蓋以上農九人其次入人七人六

人其下五人等。其在官之祿以酬其百畝之獲。禮器言

食力無工商食官解。工百工也。商官買也。周禮府藏皆

數是也。有買人以知物賈。食官官廩之疏。工商食官。○工百工

執以飭五材以辨民器。謂之百工。凡攻木之工七。攻金

之工六。攻皮之工五。設色之工五。刮摩之工五。埴埴之

工二。商官買也。者玉府買八人典婦功買四人典絲買

四。人太府買十六人司會買五人職幣買四人典公彥

曰有賈者官府須有市賈并須知物貨善惡故也。地官

載師以賈田任近郊之地注賈田在市賈人其家所受

田也漢書食貨志士工商受田五口而當農夫一人管子言工治功能不爲官工者與工而不與分焉則官工當有分田矣古者以田制祿官廩之者卽受田於官非如後世之以錢粟制俸也

阜隸食職解

士臣阜阜臣與與臣隸食職各以其職大小食祿也

疏

阜隸食職○昭七年傳疏引服虔注阜造也造成事也隸隸屬于吏也舉阜隸則與僚僕臺可概矣

官宰

食加解官宰家臣也加大夫之家田也論語曰原憲爲

家邑宰

疏

解官宰至邑宰○周禮司勳加田無國征賈

加田以釋此傳食加案司勳疏言大夫士賜地有四種大夫以上有采又有賞田及加田載師又有仕田則加田必於賞田之外更爲加增非有破格之功不能得此豈陪臣得引爲常例況官宰列于庶人阜隸之後必非小宰之尊當爲家臣之賤齊鮑國爲魯施氏宰有百室之邑故知大夫有家田也引論語者古以田爲祿九百卽田所收也

政平民阜財用不匱

解阜安也

冬襄王避昭叔之難居於鄭地汜解文公元年冬也周

襄王周惠王之子昭叔襄王弟太叔帶也是爲甘昭公

故曰昭叔惠王生襄王以爲太子又娶于陳曰惠后生

昭叔惠后將立之未及而卒昭叔奔齊襄王復之又通

於襄王之后翟懼王廢隗氏翟人伐周故襄王避之於

汜汜地名

疏城在許州襄城縣南一里水經河水注故汜

溪水東流注于汜水又東逕虎牢城東漢破司馬欣曹

咎于是水之上汜水又北流注于河征艱賦所謂步汜

口之芳艸弔周襄之鄙館者也余案昔儒之論周襄王

所居在潁川襄城是乃城名非爲水目原夫致謬之由

蓋俱以汜鄭爲名故也又汝水注云襄二十六年楚伐

鄭涉汜而歸杜注涉汝水于汜城下也晉襄城郡治京

相璠曰周襄王居之故曰襄城酄案汜有二信三十年

秦軍汜南杜注此東汜也在滎陽中牟縣南此傳襄王

適鄭居汜此南汜也杜預曰在襄城縣南孔穎達曰南
汜是襄城縣南則鄭之西南境南近于楚西近于周故
王處于汜及楚伐鄭師于汜皆以爲南汜其東汜在中
牟南去鄭城既近信三十年秦軍汜南故爲東汜各就
其所近而言也宋公序補音汜音泥或音似今案周襄
王所居南汜也在襄城音扶嚴反音似者成皋汜水非
襄城也或音誤使來告難亦使告於秦解王使簡師父告晉亦

使左鄆父告秦子犯曰民親而未知義也解親親君也

未知義故未和也君盍納王以教之義解使知尊上之

義若不納秦將納之則失周矣解失所以事周也何以

求諸侯解無以爲諸侯盟主不能修身而又不能宗人

人將焉依解宗尊也繼文之業定武之功解文晉文侯

仇也平王東遷文侯輔之受圭瓚桓武重耳之祖武

公稱也始并晉國啟土安疆於此乎在矣君其務之解

在此納王也公說乃行賂於草中之戎與麗土之翟以

求東道解

二邑戎翟間在晉東疏

解二邑至晉東○呂氏春秋貴因篇文公

與草中之戎麗土之翟定天子於成周蓋二邑以兵從
晉也漢書匈奴傳晉北有林胡樓煩之戎又云其得漢
綽絮以馳艸棘中衣袴皆裂弊以視不如旃裘堅善也
艸中指俗言非地名也漢書地理志南陽郡鄖縣有水
出西北南入漢如涓
曰鄖音臍躅之臍
二年春公以二軍下次於陽樊解

二軍左右軍也東行曰下陽樊周邑右師取昭叔於溫

殺之於隰城解

溫隰城皆周地也昭叔通翟后與俱處

溫故取殺之疏

解溫隰城皆周地○水經河水引服虔

袁山松郡國志晉太康地道記十三州志河陽別縣非
溫邑也今河北見者河陽城故縣也在治阪西北蓋晉

之溫地河水注又引土地名隰城在懷縣西南左傳杜
注同案今在河南懷慶府武陟縣西南十五里隰城是
也

左師迎王於鄭王入於成周遂定之於鄭解成周周

東都鄭王城也王饗醴命公胙侑解饗設饗禮也傳曰

戰克而王饗饗醴飲醴酒也命加命服也胙賜祭肉也

侑侑幣謂既食以束帛侑公疏王饗至胙侑○饗者烹

者故曰大飲賓曰饗獻如命數穀牲俎豆盛于食燕宣

十六年傳王饗有體薦是也僖二十八年傳王饗醴命

晉侯侑以彼例此是命公以束帛非加公以命服也胙

卽酢非祭肉也蓋命服必遣使至國賜之周語王命太

宰及內史叔與父賜晉侯命服晉侯外勞則在其國也

不得乘饗時賜之卽覲禮言諸公奉饗服亦就館賜之

非乘饗時賜之至祭肉亦必遣使至其國賜之宰孔賜

齊侯胙可據安得以饗時賜之况王甫入王城安得有

祭草義殊違傳意侑卽侑幣者爾雅釋詁酢侑報也說

文醋客酌主人也醋酢古今字廣韻引倉頡篇客報主

曰酑公不敢以賓自處故王命之酑以爲歡也小雅楚
矢毛傳伯勳也釋詁郭注此通謂相報答不主于飲酒
故東帛亦公請隧弗許解三君云隧王之葬禮昭謂隧
得爲伯也

六隧之地事見周語曰王章也解章表也所以表明天

子與諸侯異物不可以二王解國無二王無若政何解

無以爲政于下賜公南陽樊溫原州陘絺鉏櫟茅之

田解八邑周之南陽地疏原州至之田○漢書地理志

文公所圍水經濟水注今濟水重源出軹縣孟康曰原鄉晉

水有二源東源出原城東北昔晉文公伐原師此城其

者是也案今河南懷慶府濟源縣西北有原鄉州隱十

一年傳杜注州縣案太行陘在今懷慶府西北三十里一
十里陘杜注闕案太行陘在今懷慶府西北三十里一
名丹陘絺漢書地理志河內郡波縣孟康曰今有絺城
晉文所得賜者隱十一年傳杜注在野王縣西南案今

懷慶府河內縣西南三十里有絺城鉏襄四年傳杜注
后羿本國元和郡縣志故鉏城在滑州衛南縣十五里
攢茅水經清水注陂水之北際澤側有隕城一正際陂
北隔水十五里又有一正際山世謂之勅正方五百步
形狀相類疑卽古攢茅也杜預曰在修武縣北所未詳
也案今懷慶府修武縣北二十里有大陸村或謂卽攢
茅也水經清水注馬季長曰晉地自朝歌以北至中山
爲東陽朝歌以南至軹爲南陽應劭地理風俗記云河
內殷國周名之爲南陽也陽人不服解不肯屬晉公圉之
蓋八邑皆南陽界內也將殘其民倉葛呼曰解倉葛陽樊人君補王闕以順禮
也解補王失位之闕以順爲臣之禮陽人未狎君德解
狎習也而未敢承命君將殘之無乃非禮乎陽有夏商
之嗣典有周室之師旅解典法也旅衆也言有夏商之
後嗣及其遺法與周室之師衆樊仲之官守焉解樊仲

宣王臣仲山甫也食采於樊

疏

解樊仲至於樊○詩崧

易述義引權德輿曰魯獻公仲子曰山甫入其非官守輔於周食采於樊則樊仲之後與晉同姬姓

則皆王之父兄甥舅也君定王室而殘其姻族民將焉

放**解**放依也敢私布之於吏

解

布陳也吏軍吏也唯君

圖之公曰君子也乃出陽人

解

出降也文公伐原

不服故伐之

疏

文公伐原○呂氏春秋爲欲篇晉文公

之謀將下矣師吏請待之公曰信國之寶也得原失寶

吾不爲也遂去明年復伐之與士期必得原然後反原

人聞之乃下案內傳明言退一舍而原降安有明年之

事如呂氏言則原非服于退兵之信而服于再伐之威

矣其言殊未足信令以三日之糧三日而原不降公令疏軍而

去之

解

疏徹也謀出曰原不過一二日矣

解

謀問候也

軍吏以告公曰得原而失信何以使人夫信民之所庇也不可失也解庇廕也乃去之及盟門而原請降解盟

門原地也請降退一舍而請降

疏

解盟門原地○呂氏春秋有始篇九山會

稽泰山王屋首山太華岐山太行羊腸孟門高誘注孟門太行之限也武德曰古盟孟字通則盟門卽孟門漢郡國志軹有原鄉通典原在濟源縣西由原退舍三十里在今濟源縣西北俗名封門鎮封亦曰盟音轉訛也

文公立四年楚成王伐宋

解

四年魯僖二十七年冬也

宋背楚事晉故楚伐之也公率齊秦伐曹衛以救宋解

魯僖二十八年春晉侯侵曹伐衛傳曰楚始得曹而新

昏於衛也

疏

公率至救宋○呂氏春秋貴直篇文公圍衛取曹拔石社

宋人使門尹

班告急於晉

解

門尹班宋大夫公告大夫曰宋人告急

舍之則宋絕解舍不救宋則宋降楚與我絕也告楚則

不許我解告謂請宋於楚楚不許我我欲擊楚齊秦不

欲其若之何先軫曰不若使齊秦主楚怨解先軫晉中

軍原軫也主楚怨爲怨主也謂激齊秦使之惡楚公曰

可乎先軫曰使宋舍我而賂齊秦解使宋置晉獨賂齊

秦藉之告楚解藉與齊秦之勢使請宋於楚我分曹衛

之地以賜宋人楚愛曹衛必不許齊秦解齊秦本與晉

俱伐曹衛今晉分其地楚必不許齊秦之請齊秦不得

其請必屬怨焉解屬結也然後用之蔑不欲矣解用用

齊秦也蔑無也公說是故以曹田衛田賜宋人解衛侯

欲與楚國人不欲故出其君以說于晉衛侯出居于襄

牛晉侯執曹伯分曹衛之田以界宋人

疏

解出居襄牛

年傳杜注襄牛衛地秦置襄邑縣明初省縣併入睢州今屬河南歸德府令尹子玉使宛春

來告

解

宛春楚大夫

疏

解宛春楚大夫○晉世家集解引左傳賈逵注宛春楚之大夫

也

曰請復衛侯而封曹臣釋宋之圍

解

釋解也勇犯愠

日子玉無禮哉臣取二君取一必擊之

解

愠怒也臣子

玉也君文公也二謂復曹衛一謂釋宋圍先軫日子與

之**解**與許也我不許曹衛之請是不許釋宋也宋衆無

乃彊平

解

不許釋宋宋降于楚其衆益彊是楚一言而

有三施子一言而有三怨

解

三曹衛宋也怨已多矣難

以擊人不若使許復曹衛以攜之解攜離也執宛春以
怒楚解怒楚令必戰既戰而後圖之解圖圖復曹衛公
說是故拘宛春於衛子玉釋宋圍從晉師楚既陳晉師
退舍軍吏請曰以君避臣辱也解時楚主避文公之德
入居申使子玉去宋子玉不肯固請戰故云避臣且楚
師老矣必敗何故退解老罷也圍宋久其師必罷病子
犯曰二三子忘在楚乎解言在楚時許退三舍偃也聞
之戰鬪直爲壯曲爲老解若韓之戰秦師少而鬪士衆
晉曲秦直故能敗晉夫報楚惠而抗宋我曲楚直解抗
救也其衆莫不生氣不可謂老若我以君避臣而不去

彼亦曲矣退三舍避楚楚衆欲止子玉不肯至於城濮

果戰楚衆大敗

解城濮衛地

疏

正義城濮衛地○秦本紀

案經書戰于城濮傳言陳于莘北杜注有莘古國名元

和郡縣志故莘城在汴州陳留縣東北三十五里則莘

北卽莘城濮韓非子難一晉文公將與楚人戰咎犯曰

繁禮君子不厭忠信戰陳之事不厭詐偽君其詐之而

已矣雍季曰焚林而田偷取多獸後必無獸以詐遇民

偷取一時後必無從文公曰善辭雍季以咎犯之謀與

楚人戰以敗之案呂氏春秋義賞篇語與此同而內

傳及此傳載先軫語而無雍季語蓋傳聞異辭也

子曰善以德勸**解**善先軫子犯也

文公誅觀狀以伐鄭反其埤

解

賈侍中云鄭復效曹觀

公駢脅之狀故伐之唐尚書云誅曹觀狀之舉還而伐

鄭昭省內外傳鄭無觀狀之事而叔盾云天禍鄭國使

淫觀狀謂淫放於曹不禮公子與觀狀之舉同耳反撥

也埤城上女垣魯僖公三十年秋秦伯晉侯圍鄭疏公文

至其埤○僖二十八年傳晉師入曹數之以其不用僖

負羈而乘軒者三百人也且曰獻狀匡繆正俗云獻狀

言我之來獻駢脅容狀耳斯蓋噬弄之言齡案上傳言

欲觀其狀故伐曹時反唇相稽而曰獻狀即觀狀不

鄭效曹之郵不加禮于重耳重耳既誅曹之觀狀必不

赦鄭之無禮故云誅觀狀以伐鄭也呂氏春秋簡選篇

晉文公造五兩之土五乘銳卒千人也先以接敵諸侯莫

之能難反鄭之埤高注覆反鄭城埤而取之是說此

事也○解埤城上女垣○宣十二年傳杜注埤城上僻

倪孔疏埤城上小牆說文堞城上女垣也廣雅埤倪女

牆也釋名云城上垣曰埤於其孔中俾倪非常亦言埤

益也助城之高也或曰女牆言其卑小比之於城如女

子之於鄭人以名寶行成解名寶重寶疏○鄭人至行成

丈夫也鄭人以名寶行成解名寶重寶疏○鄭人至行成

和也詩大雅虞芮質厥成周官禮地官調人凡過而殺

傷人者以民成之文七年傳惠伯成之皆和也鄭以名

賈路晉而求晉與已和也

公弗許曰予我詹而師還

解

詹鄭卿叔詹

伯也文公過鄭時詹請禮之鄭伯不聽因請殺之詹請

往鄭伯弗許

解

鄭伯鄭文公也詹固請曰一臣可以赦

百姓而定社稷君何愛于臣也鄭人以詹子晉人晉人

將亨之

解

亨煮也詹曰臣願獲盡辭而死固所願也公

聽其辭詹曰天降鄭禍使淫觀狀棄禮違親

解

淫放也

放曹國不禮於君臣曰不可夫晉公子賢明其左右皆

卿才若復其國而得志於諸侯禍無赦矣今禍及矣尊

明勝患知也

解

明謂公子勝猶退也殺身贖國忠也乃

就亨據鼎耳而疾號曰自今以往知忠以事君者與詹

同乃命弗殺厚爲之禮而歸之解禮禮餽也鄭人以詹

伯爲將軍疏

鄭人至將軍○昭二十八年傳闕沒女寬

于內傳然楚世家成王三十九年伐宋宋告急于晉
救宋成王罷歸將軍子玉請戰子玉與詹伯同時蓋白
魯僖之末年列國已有此官不待襄昭也後漢書南蠻
傳云高辛時帝訪募天下有能得犬戎之將吳將軍頭
者則將軍直始唐虞以前然言不雅馴殊不足信吳語
十旌一將軍章解將軍命卿則此將軍亦當爲命卿矣

晉國饑公問於箕鄭解

箕鄭晉大夫曰救饑何以對曰

信公曰安信對曰信於君心解

不以愛憎誣人以善惡

是爲信於心信於名解名百官尊卑之號信於令信於

事解

謂使民事各得其時公曰然則若何對曰信於君

心則美惡不踰解

不相踰越也信於名則上下不干解

干犯也信於令則時無廢功解不奪其時則有成功信

於時則民從事有業解業猶次也於是乎民知君心貧

而不懼藏出如入何匱之有解出其帑藏以相振救如

入于家故不乏也公使爲箕解爲箕大夫疏公使爲箕

三年傳杜注太原陽邑縣南有箕解及清原之蒐使佐新

上軍解清原之蒐在魯僖三十一年秋疏解清原之蒐

年傳杜注河東聞喜縣北有清原水經汾水注汾水又

西巡清原城北故清陽亭也城北有清原案在今山西

平陽府稷山縣西北二十里

公問元帥於趙衰解元帥上卿對曰卻縠可行年五十

矣解卻縠晉大夫行歷也守學彌信解彌益也信厚也

夫先王之法志德義之府也解志記也夫德義生民之本也能愷篤者不忘百姓也請使卻縠公從之公使趙衰爲卿辭曰欒枝貞慎解枝晉大夫欒共子之子貞子也先軫有謀胥臣多聞皆可以爲輔臣弗若也乃使欒枝將下軍先軫佐之解此述初耳在城濮戰前也取五鹿先軫之謀也解五鹿衛地卻縠卒使先軫代之解從下軍之佐超將上軍傳曰尙德也胥臣佐下軍解代先軫也

公使原季爲卿解原季趙衰也文公二年爲原大夫卿次卿也辭曰夫三德者偃之出也解偃狐偃也賈唐云

三德樂枝先軫胥臣也皆狐偃所舉虞云三德謂勸文
公納襄王以示臣義伐原以示信大蒐以示民禮故以
三德紀民昭謂樂枝等皆趙衰所進非狐偃也三德紀
民之語在下虞得之以德紀民其章大矣不可廢也解
章箸也使狐偃爲卿辭曰毛之知賢於臣其齒又長解
毛偃之兄也毛也不在位不敢聞命乃使狐毛將上軍
狐偃佐之解尙齒也上軍或言新上軍非也時未有新
軍傳曰使狐偃將上軍讓于狐毛而佐之是也狐毛卒
使趙衰代之解虞唐云代將新軍昭謂代將上軍辭曰
城濮之役先且居之佐軍也善解先且居先軫之子蒲

城伯也後受霍爲霍伯軍伐有賞解伐功也善君有賞

能其官有賞解以道事其君賴其功當有賞能領治其

官職使不謬誤君得以尊民得以甯當有賞也且居有

三賞不可廢也解言且居有是三德得此三賞不可廢

而不川且臣之倫箕鄭胥嬰先都在解倫伍也三子晉

大夫乃使先且居將上軍解代狐毛公曰趙衰三讓解

三使爲卿三讓之進欒枝等八人其所讓皆社稷之衛

也廢讓是廢德也以趙衰之故蒐於清原作五軍解清

原晉地晉本有上軍有中軍有下軍今有五軍新上下

也疏作五軍○傳三十一年杜注二十八年晉作三

行今罷之更爲上下新軍案文公欲昭臣節避天

子之六軍故納未置新中軍也使趙衰將新上軍箕鄭佐之胥嬰將新

下軍先都佐之子犯卒蒲城伯請佐解或云蒲城伯狐

毛也賈侍中云蒲城伯先且居也昭謂上章狐毛已卒

使先且居代之賈得之矣公曰趙衰三讓不失義解義

宜也讓推賢也義廣德也德廣賢至有何患矣請令衰

也從之解從從先且居乃使趙衰佐新上軍解此有新

字誤也趙衰佐新上軍之將進佐上軍爲升一等新上

軍之將位在上軍之佐下此二章或在狐毛卒上非也

當在下

文公學讀書於曰季三曰解曰季胥臣也曰吾不能行

也咫

解咫咫尺間也

疏

引解咫咫尺間。僖九年傳孔疏

周制尺寸咫尋皆以人之體爲法。聞則多矣。對曰然而

多聞以待能者不猶愈乎**解**使能者行之不猶愈於不

學乎

文公問於郭偃

解

郭偃卜偃也曰始也吾以國爲易**解**

易易治也今也難對曰君以爲易其難也將至矣**解**以

爲易而輕忽之故其難將至君以爲難其易也將至矣

解以爲難而勤修之故其易將至

文公問於胥臣曰吾欲使陽處父傳謹也而教誨之其

能善之乎

解

陽處父晉大夫陽子也謹文公子襄公名

對曰是在謹也。籛條不可使俛。解籛條偃人不可使俛。

疏解籛條至使俛。○籛條本物名，借以喻人醜惡之疾。故爾雅釋訓：籛條口柔也。說文：籛條，粗竹席也。淮南

精神訓注：蓬廬籛條覆也。淮南本經訓注：籛條，偃也。皆釋不能

倛之。戚施不可使仰。解戚施，偃人，不可使仰。疏至使仰。

○戚施，亦以物名喻醜疾。詩：抑風得此，戚施說文及韓

詩並作得此。醜，醜許君云：醜，醜惡。詩：毛傳：戚施不能仰者。

鄭箋：戚施，面柔下人，以色故不能仰。此川爾雅義也。給

案：蟾蜍之背，擁腫人之偃者，似之。若而柔而下人，焦僂

以色，則其人之自取又轉以病狀喻其醜狀也。焦僂

不可使舉。解焦僂，長三尺，不可使重舉。疏舉，○焦僂至重

三尺，據文。侏儒不可使援。解侏儒，短者，不可使抗援。疏侏

儒，至抗援。○淮南說山訓：朱儒，間徑天高於修人案：修

訓：長則朱儒爲短。襄四年傳：杜注：臧孫紇短小，故曰朱

儒是也

矇矓不可使視解有眸子而無見者曰矇無眸子

曰矇矓瘖不可使言解口不道忠信之言爲矓瘖不能

言者疏

解口不至言者。傳二十三年傳富辰曰口不

道忠信之言也淮南

墜形訓障氣多瘖解聾聵不可使聽解耳不別五音之

和曰聾生而聾曰聵疏

解耳不至曰聵。○文選張景陽

聞也淮南墜形訓風氣多聾故

聾昏不可使謀解僮無

知昏闇亂也疏

解僮無至闇亂。○詩鄭風毛傳狂行僮

故知僮爲無知也

質將善而賢良贊之則濟可俟也解言質性

將自善而賢良之傳贊道之則其成就可立俟也若有

違質解

違邪也教將不入解不入其心其何善之爲解

言不能使善臣聞昔者大任娠文王不變解娠有身也

不變不變動也

疏解娠有身○說文娠女妊身動也昭元年傳杜注懷胎爲震字書以是女

事故今字

從女耳 少浚於豕牢而得文王不加病焉

解少小也

浚便也豕牢厠也言大任之生文王時如小浚於厠而

得文王不加病痛言其易也

疏解豕牢至其易○牢是養豕之處詩篤公劉執

豕于牢史記楚世家陸終娶于鬼方氏曰女潰孕三年

不乳乃剖其左脇獲三人焉剖其右脇獲三人焉帝王

世紀簡狄剖背生契此則圻嗣災害所謂病也人情皆

欲其易不欲其難因見文王所生之易言之以爲美耳

文王在母不憂解在母孕時體不變故不憂也在傅弗

勤處師弗煩事王弗怒

解奉事父王季使不加怒敬友

二號解善兄弟爲友二號文王弟號仲號叔也

疏解二號至

號叔○僖五年傳杜注二號文王同母弟漢書地理志
右扶風號縣此西號也河南郡滎陽縣應劭注故號國
今號亭此東號也僖五年孔疏引賈逵云號仲封東號
制是也號叔封西號號公是也隱元年鄭莊公言制號
叔死焉此號叔是號仲之後世子孫爲鄭桓公所滅者
故云死焉非君夷篇之號叔也君夷篇之號叔自是封
西號其後爲晉而惠慈二蔡解惠愛也三君云二蔡文
獻公所滅者也

王子管叔初亦爲蔡刑于大妣解刑法也大妣文王如

比于諸弟解比親也諸弟同宗之弟詩云刑于寡妻至

于兄弟以御于家邦解詩大雅思齊之二章寡妻寡有

之妻謂太妣御治也疏詩云至家邦○寡妻寡有之妻

文王以禮法接待其妻至于宗族以此又能爲政治于

家邦也書曰乃寡兄易又曰施乃御事孔頴達曰以上

言太妣之賢今言寡妻當是賢之之意故以爲寡有之

妻言其賢也鄭讀御爲馭以御者制治之名故爲治也

正己身以及天下之身正己妻以及天下之妻正己之兄弟以及天下之兄弟言家者謂天下之衆家邦者盡境界之所及也論樂此詩毛傳寡妻適妻也御迎也孟子趙岐注算少也言文王正己適妻則八妾從是用毛義詩疏又引王肅云以迎治天下之國家如毛傳之訓則無以見太姬之德如王之言則橫益治字故宏嗣從鄭箋之於是乎用四方之賢良解以自喻也及其卽位說也

也詢於八虞

解

詢謀也賈唐云八虞周八士皆在虞官

伯達伯适仲突仲忽叔夜叔夏季隨季騶疏詢於八虞

疏引國語賈逵唐固注八士周八士皆在虞官

疏

○詩周頌

侯蔡公原公也案論語有八士鄭以周公相成王時所

生則不得爲文王所詢如鄭意則別有八士在虞官矣

輪謂禮射義騶虞者樂官備也騶虞二章序謂鵠巢之

應正文王時事八人皆在虞官故賢才多而官備康成

之說

本于射義至辛尹原蔡止四人以四當八數旣不

合且孔疏所引賈唐注與今章氏

而咨於二號

解

咨謀

所引各異未知孔所見何本也

所引各異未知孔所見何本也

而咨於二號

解

咨謀

所引各異未知孔所見何本也

也度於闕天而謀於南宮解皆周賢臣度亦謀也南宮

南宮适也

疏

度於至南宮○荀子非相篇闕天之狀面

求美女奇物善馬以獻紂紂赦西伯尚書大傳散宜生

闕天南宮适三子者相與學訟于太公太公見三子知

三子之爲賢人遂酌酒切脯除爲師學之禮約爲朋友

太公曰西伯賢君也遂與三子見西伯於姜里是天适

皆文王之謀臣也諏於蔡原而訪於辛尹解諏訪皆謀也蔡蔡

公原原公辛辛甲尹尹佚皆周太史疏○解蔡蔡至太史

蘄春江中有蔡山在廣濟縣大龜納錫故曰蔡非姬姓

蔡此傳蔡公殆封其地者古者以謚爲氏以字爲氏以

官爲氏以地爲氏僖二十八年傳王賜晉文公溫原等

十二邑原當是原公故邑宣十五年傳襄公見于傳昭

三十三年原伯魯見于傳則原之爲族傳自商季矣襄

四年傳昔周辛甲之爲太史也韓非子曰周公旦已勝

殷用辛甲之言攻九夷周本紀集解引劉向別錄辛甲

故殷臣事紂蓋七十五諫而不聽去之周召公與語說

之告文王文王親自迎之以爲公卿周本紀武王既入
立于社南毛叔鄭奉明水衛康叔封布茲召公奭贊采
師尚父牽牲尹佚筮祝正義尹佚讀重之以周召畢榮
筮書祝文以祭社故知佚亦太史也

解周周文公召召康公畢畢公榮榮公億甯百神**解**億

安也而柔龢萬民**解**柔安也故詩曰惠於宗公神罔時

恫**解**亦思齊之二章也惠順也宗公大臣也恫痛也言

文王爲政咨于大臣順而行之故鬼神無怨恫之者**疏**

解亦思至恫之○宗公大臣文王爲政咨于大臣順而
行之者詩鄭箋文孔穎達曰宗者尊也尊而爲公故知

大臣之順之故知諮于大臣順而行之論語云無使大
臣怨乎不以是人君當順大臣順而行之聰明正直依人而

行人能行善則神明忻說文王用臣得任而順之故
能當於神明神明無是怨痛則知其後將無凶禍也

謂此章毛傳宗公宗神也孔疏謂國將興聽于民將亡
聽于神聖王先成民而後致力於神此言文王之聖不

應先以順神爲本又於時宗廟有大王王季若論宗廟當以王統之不當言公且經傳未有宗廟之神爲宗公者故韋解亦不從之也是則文王非專教誨之力也

解言因體也

公曰然則教無益乎對曰胡爲文益其質

解言有美質

加以文采乃善故人生而學非學不入

解不入不入於

道公曰奈夫八疾何

解八疾籛條至僮昏對曰官師之

所材也

解師長也材古裁字戚施直縛

解直主擊縛縛

籛也籛條蒙瑋

解蒙戴也瑋玉磬也不能俛故使之戴

磬侏儒扶盧

解扶緣盧矛戟之秘緣之以爲戲

疏扶侏儒

○說文引作籛積竹矛戟矜也矜矛柄也考工記鄭注盧讀爲籛謂矛戟柄竹攢秘賈疏秘卽柄也考工記盧人凡試盧事置而搖之以旡其蜎也鄭注置猶樹也案試盧必扶持而後能樹立而樹立必植地其扶處甚下

故使侏儒司此職以得食也若謂使之緣廬爲戲則非
器使子祿之義況廬人爲廬並無使人緣之文也

矇矂修聲解無目於聲音審故使修之聾聵司火解耳

無聞於視則審故使主火僮昏瞶瘖僂僂官師所不材

也解所不能材用也以實裔土解裔荒裔也夫教者因

體能質而利之者也解能才也因其身體有質可成濟

者就而通利之若川然有原以印浦而後大解印迎也

言川有原因開利迎之於浦然後大也疏解印迎至後
大○爾雅釋

正漢隈郭注今江浦呼爲浦澳玉篇水源枝
注江海邊曰浦則浦者承川原而迎之者也

文公卽位二年解更言此者終述善文公之事欲用其

民解用用征伐也子犯曰民未知義解未知尊上之義

盡納天子以示之義

解

天子避子帶之難在鄭地汜乃

納襄王於周公曰可矣乎對曰民未知信盡伐原以示

之信乃伐原

解

信謂上令以三日之糧糧盡不降命去

之曰可矣乎對曰民未知禮盡大蒐備師尙禮以示之

解蒐所以明尊卑順少長習威儀也乃大蒐於被廬

被廬晉地名作三軍

解

唐尙書云立新軍之上下也昭

謂此章言文公之初未有新軍使卻縠將中軍以爲大

政

解大政謂掌國政也卻縠佐之

解

卻縠晉大夫卻至

之先或云縠卽至非也子犯曰可矣遂伐曹衛

解

在魯

僖二十八年出穀成釋宋圍敗楚師於城濮於是乎遂

伯解穀齊地也魯僖二十六年楚伐齊取穀使申公叔

侯戌之二十七年楚圍宋晉伐曹衛以救之二十八年

楚使申叔去穀子玉去宋避晉畏其彊也疏解穀齊地

三年公及齊侯遇于穀文十七年公及齊侯盟于穀成

穀而置管仲焉與此申叔所戍之穀實爲一地卽東郡

之穀城也至莊三十二年所城之小穀則穀梁范甯注

曰魯地與穀之本屬齊者異乃杜預注左傳曰小穀在

濟北城中有管仲井是以小穀亦爲齊之穀矣劉昭補

漢郡國志亦沿杜說

國語正義卷第十終